

樊

山

續

集

樊山續集卷二十三

恩施樊增

紫薇二集

起乙巳四月
訖乙巳十月

初夏

風簾嬌燕引雛遲
紫馬鞭香盡一枝
桃葉青青梅子綠
薔薇紅到動人時

書窗

蕉葉抽心整復斜
刺梅開瘦膽瓶花
消磨眼力書窗底
又換宮蟬十扇紗

記夢

槐葉初生冷可淘
卯時殘醉午前消
垂帷正作還京夢
驚起一聲婆餅焦

盆蘭

一朵能香屋數間芳風淑氣滿前軒
綠窗盡日箋香草不是同心定不言

題麟鳳箋二首

角羽鮮明紙百番圖形隨處有
凌煙中原不是無麟鳳盡在樊南自製箋

四靈得二寫成圖玉采浮浮素映朱
不入先生金篋裏龜龍滄海怨遺珠

贈燈

下筆千言思百回宮壺蓮箭遞相催
樊南二十年來稿總被金釘照出來

余自爲兩縣時爲幕府作奏恒以夜半人靜篝燈命筆往往達曙至今猶然

書窗微暗盡以玻璃易之

四扇琉璃障翳空青編墨牘任叢叢丈夫曖昧那能處會在
光風霽月中

書堂

書堂前後映雙槐數點紅榴晚尚開北海尊彝常有客南山
徑路本無媒文章騷七頁須廢余詩少五律文無騷七一大
易一無味也屈原枚乘而外
餘子故刀筆何參未是才擬種五松皆短幹垂枝終日掃塵
埃

消暑

綠君堂下掃莓苔竹榻橫安寘茗杯池水自喧蛙鼓吹鹽煙
時結屋樓臺詩貪夜草朝還改性愛秋花夏已栽每日東園
須一到露荷風柳引人來

六月既望作 倩卿逝世三十九年矣

當年永夜伴牛衣今日黃昏對紫薇富貴忍忘貧賤事回頭
三十九年非

六十照象自題

斜簪散髻對長松心字羅衣衫一重每歲荷花生日近自臨
池水照清容

去年亦六月照象

名馬牽來可據鞍赫蹏方寸寫蠶眠修期諱老何從諱鄉榜
題名四十年

尋常不賦四愁詩贏得吳霜點鬢遲乞向花間草堂住隱囊
紗帽坐填詞

親知爭索鏡容圖賸以清詩字字珠爲問春桃倚風笑今年

人似去年無

時夾竹桃盛開

月夜登平臺舒眺

絡角蒼龍夜轉東登臺左眄極清雄置身迥出風煙上顧影
低徊月露中東省層樓無地起擬築樓未果南山一碧與天同行
宮只在闕干北佳氣經年自鬱葱

迷懷

少年已愧得名虛晚對時髦百不如心計漸隨頭髮短宦情
欲共扇紈疏論交弟范兄司馬問事今琳古仲舒猶有涓濱
舊竿綫無心更釣北溟魚

清晝

清晝焚香百慮空金槌剛打午時鐘家書視紙爲長短官茗
分杯試淡濃睡起簾紋常印臂公餘書味自蟠胸老農頗望
芳田雨試禱仙潭白耳龍南山有白龍潭

清晝攤書百慮忘石闌干外過斜陽綠陰似拜仁人賜白日

李山齋集卷二十一
三
偏於靜者長雜紙寫詩成五色百花作枕備諸香人間熱病
誰能療買取松風一味涼

疊前韻

清晝焚香百慮空閒庭見鹿不聞鐘忘情莫詠宵征肅有味
爭如午睡濃這暑時時冰在抱照人朗朗鏡當胸青松五粒
何年種鱗鬣開張已似龍

清晝攤書百慮忘似曾仙籍占樵陽桃榴豈必分華實鳧鶴
何心較短長新月照廊青桂小遠風吹幔白蓮香井泉澆徧
斜陽地徙榻當花納晚涼

前題

清晝焚香百慮無誰從屋上愛陽烏清風入戶佳於客小雨
沾花貴甚珠梁燕不侯虛紫領池蓮生子盡黃鬚舉家都有

浮瓜與金井時聞放鞦韆

清晝攤書百慮清
柳深深處坐聞鶯
蟻如偶語原無禁
蝶總雙飛較有情
薄電可能迴玉笑
凌雲猶望賜金莖
東郊虛置

藏冰室果盈令人憶舊京

長樂門外有水窖自龍首渠廢而西安無冰矣

登前韻

清晝焚香百慮無
厭聞秦缶唱烏烏
魚烹妃子含來玉
露挹

仙人掌上珠
雪藕自呈浣紗臂
黃葵猶茁女冠鬚

女道士康紫霞生鬚

見酉陽雜俎

遶牆誤喜輕雷過
恰是金車轉軸轡

清晝攤書百慮清
到秋猶轉建章鸞
袍靴對客誠多事
裸袒

驕人亦不情

用謝靈運事

惹苦菊甘便服食
菟紅芹白各根莖
暑

寒全與都門似
從古長安是漢京

暑夜池上

露下天高夜氣清自攜團扇繞池行
兩三小鴨眠花熟一二流螢點竹輕
不放風搖紅燭影久疏雨滴綠荷聲
新秋又乞針樓巧臥看雙星分外明

七夕

重揀高樓乞巧針滿衣風露坐桐陰
似從天上聞河鼓難得秋前見
蝶帖明日纔鏡紅蛛占喜事
過橋靈鵲寄芳音
絳河碧海何分別月姊天孫夜夜心

七月八日立秋喜雨

夏雨艱難潤原隰秋風容易入關門
茶瓜涼到二三伏琴鼓歡連數十村
一葉辭柯覘物態百花成實總天恩
人生適意常宜晚菰稻欣欣長子孫

五六月間憂旱魃九重天上罰乖龍
心知一雨今年熟淚笑

雙星昨夜濃積熱肝脾清似玉得涼筋骨健於松宵來乍識
秋情味繡被溫瘳直到冬

秋暑

秋至炎官尙有威林鳩無語駐晴暉夜親文牘三條燭晝接
賓僚兩截衣俗謂羅漢衫一院竹荷詩境淡滿城瓜藕病人稀官
身雅得林泉意臥聽青蟲轉紡機

新秋東懋翁

藜杖來過滿鬢風秋堂觴詠兩人同綠槐高處尋知了紅藕
香中聽活東七月雙星天有喜九晴一雨歲仍豐詩家亦有
麒麟閣劉白誰當上將功

戟傳用消暑韻見寄次答

榻有凝塵徑有苔停雲長負掌中杯小文會友師湖舫同治間復

堂藍洲諸君
爲湖舫文會
大字刊書仿相臺杞菊有香爲我壽薔薇多刺
笑人栽百家詩派從吾說妙解人願望鼎來

登前韻酬午詒

東園日涉半弓苔愛玩池花數舉杯花似菩提全著子池如
明鏡亦非臺晚榴萬綠中間見早菊羣芳末後栽泉石謝公

親位置風光留付阿連來

東園爲尊人
中丞公締構

仲錫令弟新婚不逾月卽赴日本留學賦贈一首

鴛鴦七二各成行燈樹垂花照衽妝兄弟天台循故事

新婦
卽仲

錫妻

女牛銀漢共輝光少年日月眞須惜兒女風雲兩不妨

一出紅閨行萬里玉人含笑看扶桑

早秋雨中

臥聽簷雨似流泉老竹新蕉各自妍涼燠適當中立地春冬

都遜早秋天西風解熱諸無苦東電言和數不鮮誰挽銀河
洗兵馬榛苓吾愛美人篇

俄日方在
美京議和

七月十八日喜雨

一雨再雨田水足原隰上下如膏沐昨日之日金石流朝來
簷玉鳴高秋今年酷暑甚吏威十旬罕御單綃衣瓜桃日啖
不解渴黃塵沒髀百草痒我居槐廳清蔭密扇面猶熱憎鬚
戟鱗雲不放頭上黑螢火徒驚眼中赤月離于畢雷車動雨
入珠簾雲繞棟三尺難忘滲漉恩萬家盡入清涼夢連年福
德常在秦百錢斗麩無飢人五州七郡報霑足睡起東堂方
欠伸

八月二日招同仲錫涑之子播集牛頭寺送徐子修孝

廉楊吟海大令之日本

角巾塾雨出郊關來叩香林禮佛鬘馬不驚塵知土潤僧難

免俗羨官閒平臨二曲韋曲煙中樹指點三神海上山千載

杜祠觴詠地桂叢三發待君還寺中桂猶未花

中秋夜無月

風動姮娥青桂枝暫收明鏡理妝遲玉臺只在雲深處暗地

團圓世未知

亙古清光徹九州祇今煙霧鎖瓊樓莫愁遮斷山河影照出

山河影更愁

碧海青天深復深滿衣風露夜森沈陰晴不改年時面惟有

素娥同此心

一寸銅荷結蠟珠露螢涼到桂花初今宵無月關何事打點

秋鐙照讀書

再賦

胡牀坐據不知愁，晴日登臺雨即休。但揀涼天佳月夜，老坡無夕不中秋。

何壽萱同年解任歸小住西安賦贈一首

關隴維藩兩弟昆，東臺西省自爲鄰。一官進退常先我，

君備兵肅

州余方宰咸甯

今又先余解組，萬事安危付後人。

君去蘭州時番回不靖

使節久騰方

岳重歸裝仍似翰，簷貧秋桑落後官醪熟。爲薦行都軟脚春。

壽萱枉過話舊

種紫薇花可一廳，君來併作二薇亭。功名各自庚辰始，

是年君留

館而余

改外科舉新逢丙午，停華髮滿頭皆隴雪。同年三百漸晨

星往時丹鳳城南雨，移向長安翦燭聽。

題壽萱詩集

能教綺麗復飛騰上口依稀學杜陵少日文章驚八米君少
童之晚年家法守雙藤君先德有雙藤徧游嵩華才難盡付
目與伊梁唱可能此老心胸定何物若非匱錦卽壺冰

次韻酬壽萱見贈

薛能肯戀一官粗解印東來覽漢都隴首花緣何遜賈王官

谷異柳州愚君所居距告天細數焚香事望古微吟定命謨

謝公讀毛詩最愛河決至今留惠政仁人忍效豹投巫去年

訂定定命二語
河決昔力
任履務

次壽萱東宦陝諸同年韻同年居陝者凡五人

德星一夕五珠聯高會無如此酒賢後熟果同前熟果出山
泉似在山泉敢云氣蓋關中布未覺莊荒陸氏田他日隴秦
修治譜樊南可有一燈傳

琴書摺載喜東還重覽三秦百二關酒國仙人惟賀監詩壇
降將孰嚴顏休論近日中西學莫判君家大小山榜運遭連
成一笑幾人身在五雲間

丁丑一榜內無
尚書外無節鉞

東堂

一年好景仲秋時薄暝東堂柳弄絲
燹鼎膺如摹本畫余不
收銅
器偶復陳列
皆贗鼎耳
屋廬精似小家詩空明地鏡開池水鬱勃天香
發桂枝楚蟬新來西釀熟陶籬又近菊花期

用壽萱韻答仁甫同年見贈

關內重欣步履聯阮嵇同是入林賢鳳因食實來棲竹馬待
投錢始飲泉榴火明時過繡嶺玉煙起處識藍田絳人甲子
何輕重惟有清詩盡可傳

來詩多介
眉之詞

東壁南臺往復還掉頭西笑入函關囊錢不敵多文富亭榜

仍將味諫顏三輔今爲魚麥地一秋長憶鵠華山舊乘驄馬
知何幸放入長楊五柞間

秋興疊前韻

省牒台符屢接聯旂宵從事獨誰賢豪情自願捐河套番警
遙聞動酒泉千載秦僮重渡海二年旗籍枉屯田燈前枕上
無窮事臥聽蓮更五度傳

百尺琴臺孰往還清秋畫意寫荆關坡攜酒去因乘興鼎說
詩來輒破顏綠到盡頭惟此樹青如一髮是何山易衰不似
金城柳且可婆娑水石間

受軒仁甫兩同年並於余詩有過情之譽戲用仁甫韻

奉東

黏貼吟箋上綺櫳玉田詞旨愛清空都逢鳥爪思搔蟬多食

江瑤恐病風火候自深丹鼎內別裁不稱玉堂中家家總有
紗籠護紅袖無勞拂網蟲

用前韻書感

垂簾便殿設雕欄鳴鳳來時百鳥空雅慕宋廷稱四諫擬陳
商話做三風省司何意分南北籌策頻年用下中今日漢庭
疏汲黯 袞衣誰爲補華蟲 宋仁宗朝有四諫光緒初何黃
陳寶俗稱四大金剛張孝達師
易其名曰翰林四諫後又有所謂
松筠十友者不能悉記今皆亡之

食料

幽詩八月說瓜壺葵棗蟬媽入畫圖漬酒滿筐生啖鱗炷香
候火爛蒸鳧飴鹽並下思吳膾蘭橘均調仿 御廚獨對秋
風憶蓴菜虛名無取四顯鱸 鱸在魚中
最爲下品

仲秋

進退格

仲秋煙景美於春山水清無一點塵從暖到寒逢過渡將宵
比畫恰平分紅蓮落瓣房房子玉雁成行字字人織女明星
輕貴壽要聽學士詠微雲

秦少游詩織女明星來
枕畔了知身不在人間

受軒和食料詩再賦

秋高底處宴頭鵝松下清齋笑腹饜學士豈知酥爲甚相君
不過飲亡何世言腐敗猶魚爛我厭魚燔甚虎苛却對鯽盤
成感慨如今名士亦無多

自新學盛而曩所謂江
湖名士者亦不多見

閒事一首

定須閒地覓閒人官府應無自在身玉枕筆痕三折媚
詩格兩頭勻俸金有羨心常足館吏多賢跡較親展拓東籬
作重九先期灑掃祭花神

秋景回文

牆花度影蝶藏深，鵲動風枝橘綠金。
香篆裊雲籠壁畫，竹簾通月曬牀琴。
良鄉酒過無佳味，復社詩多幾苦吟。
涼夢鶴邊秋喚起，黃花許我獨知心。

心知獨我許花黃，起喚秋邊鶴夢涼。
吟苦幾多詩社復，自余入都萍社遂散
邇來酬唱復盛。味佳無過酒鄉良，
琴牀曬月通簾竹。畫壁籠雲裊篆香，
金綴橘枝風動鵲，深藏蝶影度花牆。

衙退

退食焚香日又西，油窗大半鎖銀泥。
花箋乍可酬前韻，墨牘何煩請內批。
凡涉新政及夾單言事者吏不能答率請內批
本事一編徐電發閒情，再世馬雲題莫嫌雅俗常相躡。
心通靈一點犀。

秋景再賦

顰秋一柳著煙輕，水畔西樓翠色晴。
人泥綠筒卽酒淡，客貽

香餅建茶清新霜鬢怯初來雁晚樹花留欲去鶯塵榻掃餘
公膳罷茵紋玉鏤賭棋枰

枰棋賭鏤玉紋茵罷膳公餘掃榻塵鶯去欲留花樹晚雁來
初怯鬢霜新清茶建餅香貽客淡酒鄣筒綠泥人晴色翠樓
西畔水輕煙著柳一秋顰

俳體疊東堂韻

一年好景仲秋時清鏡何勞鑷鬢絲上海書來貽鐵酒中州
集裏選金詩皆有本事偶翻神秀身非樹帖仿唐寅指不枝昨種
梧桐今種竹長成都與鳳皇期

秋日雨中譙客次何方伯回文韻索同人和

子招一叟漫行杯坐榻安花倚北臺虛與昂推同綠酒

西法每於

星期露兼霜落欲黃槐書家舊本千毫禿蠶手名綠幾卷開

疏雨墊巾烏角軟初寒嫩菊早看來

來看早菊嫩寒初軟角烏巾墊雨疏開卷幾縑名手畫禿毫
千本舊家書槐黃欲落霜兼露酒綠同推扇與虛臺北倚花
安榻坐杯行漫叟一招子

無題

看人寄淚濕封綾小字書箋素指冰寒辟玉鑪温炷麝穗垂
珠蕊細飄燈鸞釵小映斜枝竹鳳屣織於軟角菱安得可人
春後別欄花繞月待郎憑

憑郎待月繞花欄別後春人可得安菱角軟於織屣鳳竹枝
斜映小釵鸞燈飄細蕊珠垂穗麝炷温鑪玉辟寒冰指素箋
書字小綾封濕淚寄人看

團扇和午詒

鑊雪裁冰入漢宮，齊紈一握付春葱。
天邊信有長圓月，世上誰無方便風。
宋詞孟婆與我做些方便
軍府別裁傳白羽，暑寒交替得薰籠。
祇今午日無宣賜，惆悵婁江吳駿公。

再詠團扇效崑體

霜紈紕縵不禁秋，贈卽含情障卽羞。
桃葉艷歌宜淺笑，婕妤金篋自深愁。
清風徐待薰絃引，寶月圓多玉斧修。
一世紅雲隨雉尾，涼花莫怨殿西頭。

夜雨次受軒韻

階平水滿積莎青，客送秋堂畫燭停。
懷古有吟風弄雨，句新無對影酬形。
排擠一樹爭寒鵲，燦閃重簾入暗螢。
佳語語君逢酒暖，齋西竹笛屢誰聽。

聽誰摩笛竹西齋，暖酒逢君語語佳。
螢暗入簾重閃燦，鵲寒

爭樹一擠排形酬影對無新句雨弄風吟有古懷停燭畫堂
秋送客青莎積滿水平階

夜霽

霞顏駐酒得閒身遠漏宮壺玉滴頻花意快然天愛好燭心
紅甚暖如春紗窗綠淨松過雨月夜清佳若似人華有菊黃
金綻蕊斜枝數朶晚香新

新香晚朶數枝斜蕊綻金黃菊有華人似茗佳清夜月雨過
松淨綠窗紗春如暖甚紅心燭好愛天然快意花頻滴玉壺
宮漏遠身閒得酒駐顏霞

高等學堂新葺小園秋日與懋臣觀察涑之大令飲卷
阿館卽席有作

斑斑錦石細垂蘿爽氣秋高雲雁過山斷不平天與翠水多

無定雨鳴荷

池水常竭待雨而滿

顏開酒進將誰勸講輟亭中可若何

閒院午陰桐井綠鸞驚欲起緩聲歌

歌聲緩起欲驚鸞綠井桐陰午院閒何若可中亭輟講勸誰將進酒開顏荷鳴雨定無多水翠與天平不斷山過雁雲高秋氣爽蘿垂細石錦斑斑

效放翁

連雨纔晴罷晚衙一旬叢桂兩番花閒房幽草盆盆蟀別院斜陽樹樹鴉眼暗求明漈白菊胃寒思暖啖香砂祇除睡裏無拘檢夢蝶依依到謝家

受軒索余全集枉詩褒美感賦一篇次元韻

不將五短掩三長奕奕心珠自有光晉代論才應東閣孔門用賦或升堂十聯昔已傳龍禁八詠今猶續鳳翔一自興元

庸陸九至今翰染 御爐香

登臺登子來韻酬仁甫

來雁霜林出月初桂叢叢亞菊疏疏開花好待新醅
啜果佳如有味書槐秀獨憐蟬殼退鳳餓長笑竹心虛
臺登數級梯雲碧杯引一詩君贈子

子贈君詩一引杯碧雲梯級數登臺虛心竹笑長饑鳳退殼
蟬憐獨秀槐書味有如佳果啖甕醅新待好花開疏疏菊亞
叢叢桂初月出林霜雁來

初寒

風琴玉動警棲鴉日出東窗紙換紗豐要氍毹勝弱體軟宜
蒸餅試殘牙紅蟬蝕卷詩呈草綠蠟浮卮酒起花重幔翠鱸
薰熟麝濃香午茗酌些些

些些酌茗午香濃
麝熟薰爐翠幔重
花起酒卮浮
蠟綠草呈詩卷蝕
蟬紅牙殘試餅蒸
宜軟體弱勝裘氎
要豐紗換紙窗東
出日鴉樓警動玉琴風

秋窗

華清曉氣月窗斜
屣倒迎來此客佳
花露染藍柔性紙
柳風吹淡淺紅紗
又了玉挂長條畫
秘醇香煎幾串茶
衙吏散時芳菊晚
鰕簾翠捲一鈎霞

霞鈎一捲翠簾鰕
晚菊芳時散吏衙
茶串幾煎香醇秘
畫條長挂玉了又
紗紅淺淡吹風柳
紙性柔藍染露花
佳客此來迎倒屣
斜窗月氣曉清華

秋樹

鴉來莫喜鵲來長
氣得秋多態老蒼
花發偶然嬌愈醜
葉多

何者綠非黃瓜爲棗認新成實菊映松憐晚送香佳月夜來
人境寂蛇龍動地掃風霜

霜風掃地動龍蛇寂境人來夜月佳香送晚憐松映菊實成
新認棗爲瓜黃非綠者何多葉醜愈媯然偶發花蒼老態多
秋得氣長來鵲喜莫來鴉

九月初三夜見月感賦

彌耐今年廢不肅寒膠白露一時空嫦娥未識人間事依舊
青天挂玉弓

代月姊答

靈藥偷回去有窮廣寒深避箭頭鋒三千年後纔安枕盡廢
狂夫射月弓

雨中夜宴次懋翁來韻

人中數鶴嵇生一夜笛邀仙醉上樓新舊黨知誰得志下中

才愧我吟秋顰螺翠解山眉恨淚燭紅銷雨裏愁伸指將壇

詩伯五

兼謂何吳徐文四君

賓來雁住強君留

君屢欲歸余強留之

留君強住雁來賓五伯詩壇將

去聲

指伸愁裏雨銷紅燭淚恨

眉山解翠螺顰

恨眉淚眼秦少游詞

秋吟我愧才中下志得誰知黨舊

新樓上醉仙邀笛夜一生嵇鶴數中人

再疊前韻贈懋翁

人兩三觴引水流曲池芳影照高樓新花百態詩人老秃柳

雙行雁信秋顰笑各如山就畫醉醒無過酒銷愁伸兼屈問

誰龍蠖賓主忘情任去留

留去任情忘主賓蠖龍誰問屈兼伸愁銷酒過無醒醉畫就

山如各笑顰秋信雁行雙柳秃老人詩態百花新樓高照影

芳池曲流水引鶻三兩人

無題疊前韻

看誰贈句織新綾字是花紋繭是冰寒峭倚樓晴待月影嬌

橫榻別移燈燭迴枕繡雙榴桂燕琢釵頭並荔菱

聞中花樣多桂榴菱

荔一取多于一寓伶俐也安問懶雲梨夢薄欄東寄信一無憑

憑無一信寄東欄薄夢梨雲懶問安菱荔並頭釵琢燕桂榴
雙繡枕迴鸞燈移別榻橫嬌影月待晴樓倚峭寒冰是繭紋
花是字綾新織句贈誰看

無題三疊韻

看花作樣織花綾影寫梅枝一片冰寒暖適中香在被喜愁
分半夜羞燈鸞絳似扇遮桃靨麝碧成塵掃鏡菱安否是儂
詢竹報欄迴玉曲幾依憑

憑依幾曲玉迥欄報竹詢儂是否安菱鏡掃塵成碧麝膽桃
遮扇倚紅鸞燈羞夜半分愁喜被在香中適暖寒冰片一枝
梅寫影綾花織樣作花看

無題四疊韻

看詩近與寫袍綾好句清如玉井冰寒酒怕斟郎借盞解襦
羞睡自藏燈衣桁藏燈見宋詞鸞驚兩帶長條柳蝶繡雙鞦小樣菱
安息一枝香裊裊欄紅小立玉人憑

憑人玉立小紅欄裊裊香枝一息安菱樣小鞦雙繡蝶柳條
長帶兩驚鸞燈藏自睡羞襦解盞借郎斟怕酒寒冰井玉如
清句好綾袍寫與近詩看

答受軒論詩

才多識寡未能超俗調皇苓去古遙瘦似長江難作佛豔如

疑雨亦爲妖通身仙骨須丹換蓋代詩名要福消平著心胸
高著眼古人集裏不相饒

白菊次韻

幽愛花枝花愛貧

愛貧見唐詩

粉匳妝就畫真真秋宮桂濕剛寒

露雪嶺梅逢又小春愁送酒錢無冷宦淡求詩味有閒人勾

弦月照空階玉收帳風中浴女神

神女浴中風帳收玉階空照月弦勾人閒有味詩求淡宦冷
無錢酒送愁春小又逢梅嶺雪露寒剛濕桂宮秋真真畫就
妝匳粉貧愛花枝花愛幽

菊有名雪柳子者香師少作云西來曾過條支海帶得
天山雪滿身今佚矣偶賦一律索同人和

身在香林猛氣收河東靜女亦風流蓮臺佛就芭籬坐栗里

妻無拄杖愁霜後曝乾蘇合餅

獅遺矢爲蘇合香

月中滾碎水晶球

亦菊

花名御園內外何分別好作曹郎兩髻秋

宋時諸曹郎散值見御園獅子支料

甚豐嘆曰我輩不如一人曰吾輩乃園外狼安敢比園中獅子耶

玉筍長

菊名花瓣纖細長白故以女手爲喻

天女何時乞與他玉如纖手軟兜羅輕籠翠袖聞香否半露
柔黃奈冷何葱指可能持瘦蠓檀心誰與數旋螺東籬霜曉
催班急收入唐家進士科

白牡丹

菊名

金天旄節玉光浮異姓稱王楚僭周豔雪數叢來栗里行雲
一朵去揚州籬東置酒應傾國洛下看花直到秋經歷風霜
纔富貴千紅萬紫一時愁

白玉蓮

菊名

獨立西風抱苦心青苔白露鎮相尋
霜籬葉展田田翠月地花生步步金
池北招邀隱君子香中禮拜玉觀音
館娃宮女能詞賦須學陶詩放淡吟

九日招同移香懋臣省三三觀察仲錫太守涑之大令
集慈恩寺陪曹大中丞雁塔登高卽席賦呈

綸羽來登七級巔插花霜鬢望如仙
三秦豪傑從車後萬里雲山赴榻前
目送黃河到東海手扶紅日返中天
九州多少澄清事不是龍山落帽年

成子蕃侍御屢和余高廟題壁詩韻因友松觀察還陝

彙錄見寄二十二疊韻奉酬

早從畫壁想風流

羣在江亭高廟屢見題句

才筆銛於玉手鈞飛入文林

驚鳳藻傳來諫草識魚頭詩如課最誰居殿人果能豪許臥

樓宋詩殷勤傳語臥樓人

他日還朝車第七欽臣真伴老坡游

友松以重陽前一日還陝二十三疊韻奉贈

又見長河遶華流君來重試釣詩釣去時梅子雨盈尺歸日

菊花霜滿頭多士燭溫師範學

君仍領師範學堂事

近詩傳寫酒家樓

還家小住蓮華寺只當高僧挂錫游

寄藍洲書題後

關內稀逢越雁來故人霜鬢苦相催庚寅記得秋分手黃過

籬花十五回

塘報

重臣三策起時艱四海喁喁望轉圜憲法學堂作遙對女兒

天足在中間

某公陳三策一立憲二不權足三學堂也

一白菊四詠同人大次韻見答雙關題爲韻所限往往顧

此失彼古人勿尙也尤而效之亦因難見巧之意云

雪獅子

合被元章畫裏收

米有獅子圖讚

日中睽睽目光流金精作貢駭人

喜獅爲金精

香國封王隱者愁

師子國王

據地羞爲八風舞凌空莫打

五通毬上元粉塑獅蠻像借作重陽院落秋

玉筍長

嗅梅纖手不如他一搗春蔥出袖羅盥露莫沾湘淚否搓酥
其奈玉尖何陶詩好處思仙爪楚女舉來上髻螺欲借輕紅
染銀甲籬根金鳳已成科

白牡丹

天香欲共晚香浮國色誰分大小周寵召屈平來玉闕量移
陶令到丹州姚黃魏紫心皆素帝夏皇春氣不秋爲有白衣

人送酒破除鶯燕幾多愁

白玉蓮

太華峰頭九日心采香直上一千尋
雕來玉女成雙佩幻出花身丈六金
越撒畫橈煩遠涉湘靈瑤瑟強知音
鴛鴦湖上亭亭影來伴霜前月下吟

花間女史得四刻樊山集吟諷達旦書來索詩因寄

乞與新書錦帶長彩鸞聲韻叶歸昌
行行秋水眸中過字字蓮花舌上香
棠睡今宵虛玉簪牙琴真賞出紅房
鬢蟬未卸唇脂在免促明朝曉鏡粧

再寄

簷風入牖颺銅荷好語如珠得幾多
本自神清少眠夢借儂詩卷養秋波

菽帥生日先期往杜祠避客長句奉柬

萊公平地稱神仙鬚髯如雪筋骨堅胸中甲兵暫收束幅巾
藜杖儒者然太華以西展重九維嶽降神酌大斗烏衣諸郎
皆玉立長安百吏爭趨走我公心遠跡復超城南韋村霜天
高仲弓登車兒執轡一僕一馬趨林皋少陵祠宇樊川北拄
杖敲門鐘磬歇升堂解屣當松風移榻鋪氈待蘿月昨夜雨
洗南山明稻畦黃雲如砥平且對陂塘狎鳧雁庸知海國驕
鯢鯨伯歌季舞笑開口南山有杞爲公壽僧廚兩膳甘於肉
禪牀一覺美於酒夢與老杜相頡頏鬢霜垂垂紫領長問渠
何語最吉祥南極老人應壽昌

僧鞋菊

挂屨楓前夕照黃蘭闌亦染狄鞮香莫偕鹿女傷行露好與

琴聰操履霜行脚不踰彭澤縣結跌會上魏公堂拖泥帶水
知無慮花雨彌天是道場

閨房僧鞋菊

飛卿錯認錦爲鞋纖手輕招葛屨來刺繡燈前描白足敲門
月下是瑤臺羞隨羅襪凌波起各有金蓮貼地開省議西廂
皆佛理秋階臨去又徘徊

禪院女兒茶

門茗來尋雪陽師鼎娥名字漫相疑淨瓶甘露教誰捧秋水
禪心有妓知消渴喜逢散花女調泉應是竊符姬蒲東寺裏
枯魚淚莫怪崔娘响沫遲

屠肆觀音柳

努目低眉兩不侵福田孽海日相尋放將刀下承甘露過我

門前借綠陰樊灌豈無龍象力鄭滕都具菩提心婆娑此樹
饒生意游手來依紫竹林

蓬門富貴花

枳棘何當辱鳳凰簾門巷借輝光尋常燕睇家非謝偏仄
蝸居國有王十戶釀金培豔質三旬乏食飽天香后妃列傳
從頭看半起寒微侍玉皇

前題再賦

閨房僧鞋菊

花事秋闈一段奇月弓霜印兩迷離忝禪自立雙鉤雪繡佛
何來兩履絲佛像皆赤足響屨有廊愁破戒鏤金到底錯相思錯到
底亦蓮臺墮舄卿伏妬不是瑤光奪塔尼

禪院女兒茶

鳩摩洗鉢試茶旗吞盡銀針

茶名

始得妻白日雲房花散雨綠

煙禪榻絮沾泥嫩湯生眼橫秋水小葉如眉證菩提

菩提新葉小於

茶見宋詩居士巾瓶誰得侍空靈照自扶携

屠肆觀音柳

善惡當於根性窺豈眞宰割倩柔荑放生好附慈航尾戒殺
常低菩薩眉割肉還家貽善女擲刀成佛是男兒能沾一滴
楊枝水卽是過門快意時

蓬門富貴花

釵布何心換綺紈玉妃小謫整花冠瓦盆不稱雕文座土銼
勤修至寶丹青鏡一臨驚國豔紅鞋九錫洗儒酸彩霞飛上
通明殿莫忘當時白屋寒

前四題以閨房僧鞋菊爲最難五字中含四義是不僅

雙關而須四照矣再賦四首索同人和

屢價安能小巨同
閨人忍俊立西風
插花履反加冠上
響屨聲原寓色中
花落定成金粟果
裙開欲鬪石榴紅
采來當作蓮杯用
爭及織織玉一弓

花底逃禪亦偶然
跣趺何意鬪雙蓮
步虛誰謂空非色
立地都成佛與仙
大小背人量符指
嫌疑何處說瓜田
臨時抱佛花應笑
夜夜燒香大士前

忍爲姬姜棄蒹葭
蒼紅窗挂屨意蕭閒
禪家行住無煙媚

煙視如行

師範闈門禁月彎

近日婦學大興首戒裏足

香徑印深重九節緝龕針對

大孤山

鞋

山黃花冷被蓮花笑中立空門色界間

陶公妻妾話秋心
蓮社僧來許入林
鞵上生塵皆碧麝
牀頭不借是黃金
橫行忌食籬邊蟹
倒挂休猜葉底禽
倘汝爲杯

能渡海蓬山何慮萬重深

前題三賦

破戒來聽釵釧聲蘭房咫尺是香城大姑拈出山名好小妹

澆來溪水清

清溪小姑是蔣王三妹

鏡浦微波隨洛女露壇虛步換飛

瓊自從彭澤遺雙鳥來往花間白足行

美女新花可一簪疏香小閣聽登音踐來螻蟻思禪戒度與

鴛鴦費繡針

宋詞雙鴛雙鷺皆鞋也

淡墨鴉頭縫鞵小嬌黃鵝毳染絳

深蘭間爲供金跌像每約雙綠避藁粘

道家妝束出雲屏微笑拈花見性靈禿頂記曾踏烏鵲

世傳機女

渡河鵲

禪心亦愛賦蜻蜓

參寥詩欲立蜻蜓不自由近人

鳳

毛盡禿頭履奪千花豔雁足燈然四照青玉樣孩兒

弟名學禪誦蓮華

原是度人經

大士瓶花甘露濃前簪後鳥小房櫳豔詩每步皆陶韻薄酒
雙斟有魯風名鞋墮地不爲妃子襪餐英似得楚人弓秋香已
受如來戒讓與雙蓮徹底紅

前題四賦

足音髣髴隔花間寶燦眞宜百和薰秋借沈香爲履色夜貪
紅繡數羅紋紅羅先結踏青鞋玉階白露添雙印鈿尺金星減四分
若上翠樓玩秋柳何嫌蹴踏一梯雲

紅閣女伴品秋芳瑣步罷餽卽道場羈淺較量吳越女底高
評泊曼珠娘眞花佛鉢羞連理假玉遶宮幘十香一盞寒泉
作秋薦蒲團長跪禮空王

觀音齋日得相逢一卷秋詞誦倚松僧如壁檀几似呈紅寶號倚松

相錦裙羞露碧芙蓉花如金鏤人如玉瓶是琉璃女是龍我

法西來超色界偏於淨土現蓮蹤

玉屐矜嚴七寶裝侍兒羞效踏搖娘一塵不著紅尤軟十步

無言草自芳高處立兼閒處立

高閒上人

定時香卽戒時香銀缸

寫出屏風影縮本鞋山孰短長

前題五賦

綺石幽花結善緣前游可記雪山巖閒行紺碧琉璃地徧踏

紅羅旖旎天蘇笥舊藏黃衲襖

用佛印贈東菽初君事

趙州新識繡行

纏紅房兒慣雙鴛宿自賞孤芳亦自憐

夜涼風露滿前除小立花階月上初神女峽名羞草屨

草鞋峽

吳娘船樣想花蒲

江浙妓船曰花蒲鞋

空心亦與檀相似緊口深憐磬

不如難免陶家姬妾笑豈宜依樣畫葫蘆

九月宣南素變緇爭如金屨染宮緋綠翹敢踐牟尼座綺袂

親傳大士衣籬柵謹嚴妨鶴步幡鈴守護怕鳧飛禪門淡泊
非吾願好躡芝田傍宓妃

水田衣較五銖輕坐對秋花轉佛名銘到紅靴非幻妄筮來
素履想幽貞玳從羅綺叢中過身在薰籠上面行舍衛國中
金布地玉兒一蹶卽傾城

前題六賦

謝娘林下想風流花樣翻新豔九秋方丈室中天女住歌姬
院裏衲衣游願爲隻履銜龍尾

隨園詩見說寸函隨隻履轉疑龍女愛瑤華

從此

孤花並鳳頭莫倚東籬矜獨步天香靈鷲是前修

拜佛羞更壞色衣月中霜裏漫遲疑木蘭變服甯須此琴操
爲尼或用伊行露無非歡喜地踏春徐埃豔陽時對花根觸
燒香願待展重陽謁淨慈

世傳九月十九爲大士生日

蘭房清淨擬香巖，跌坐紅牀踝跡添。
十錦交相爲履綠，百花踢倒笑靴尖。
游行香國風霜少，穩步瑤臺定慧兼。
今日方圓同一式，舊情珍重玉纖纖。
三十年後無弓鞋矣

美人簾箔捲西風，答謝慈雲蔭覆功。
繡出女花皆卍字，捨來佛米亦雙弓。
娉婷影繪三身外，薦蓐香生兩瓣中。
一自楚詞擡舉後，停凝長在蕊珠宮。

壽竹銘中丞六十

天子初元第一人，上公劍履動星辰。
標題金榜科名首，成就熙朝柱石身。
門下誦絃龍種貴，公值上書房久關中都典虎符新。

千秋萬世無窮事，始自堯年丙子春。

聖節慈甯先一日，衣冠萬國拜丹宸。
華封已祝壽爲女，嶽降重生甫及申。
此地三宮三輔駐，每年十月十洲春。

宣仁不盡霞觴酒留待明朝賜重臣

漢宮虞美人

垓下名花帶血痕包羞來作未央春
早拚薄命同驩逝不妒
芳姿怪雉馴舜裔原非劉氏種
楚歌難解戚姬蠶芙蓉五色
渾相似花葉紅終古流膏毒漢人

禹廟儀狄酒

舜榼堯鍾千百過勸王隨分飲
亡何苞茅自納諸州貢
音酒全翻五子歌
搏拊蓑絃斟且唱
馨香龍勺酌無多
一生好惡誰能辨
解寫靈明只老軻

陳干峯舜祠詩海濱樂可忘天下解寫靈明只老軻

魏營諸葛菜

何意綸巾度鄴城
菜畦關到魏家營
驚雷綠上曹公座
得雨春同仲遠生
煮豆空餘銅雀恨
因糧不用木牛耕
臥龍果有

神明清盡取師昭五鼎烹

唐代隋隄柳

板渚春風柳十圍龍舟曾此繫斜暉眼看渭水通淮水眉鎖
蕭妃又貴妃新夢一場鸚鵡逝故宮幾箇冷螢飛一枝大業
年間笛吹出秋娘金縷衣

前題再賦

漢宮虞美人

代籍填名匪我思蕭何多事種花枝漢宮室皆何建瀛顛項蹶皆劉
土若舞吾歌向楚辭絕色分無人雜事新宮全異祖龍時靈
根莫漑烏江水亭長來觀恨可知

禹廟儀狄酒

丹青遺廟薦春醅菲飲君王進一杯醉後塗山羞尾露醅時

羽水或顏開夏庭史缺蒲桃貢荒服香隨橘柚來配亭皋夔
同拜手千憂一酌頌康哉

魏營諸葛菜

越畔躬耕笑臥龍西園香送菜花風閉門春雨思先主泣釜
秋箕笑魏公此味肯同雞肋棄敵軍真覺馬槽空樓桑直接
成都蔭盡是宗臣雨露功

唐代隋隄柳

興亡如夢夕陽斜何獨蕪城是帝家末代可憐端正樹用唐
昭宗
事在前更有後庭花錦帆繇麗春三月金鑑分明水一涯春
殿鷓鴣皆故事亦如勾踐代夫差

前題三賦

漢宮虞美人

不隨呂薄上班書不共闕氏入畫圖舊愛已同名馬盡新恩
得似野雞無快心飛燕能傾國冷笑明妃別嫁胡一種舜華
好顏色移根換葉到西都

禹廟儀狄酒

峩峩寶鼎狄香薰美服元圭儼降神補作餅筵觴癸甲平分
杯露賜庚辰階前苗格同稱壽意外歐風更醉人安得投醪
九河水蛇龍都飲似王醕

魏營諸葛菜

展拓中原作鹿場至今河朔菜根香襄陽尙記炊龐黍左氏
何勞致蜀蠶北伐芻茭常絡繹南皮瓜李滅輝光後來何物
元丞相鼈殺西風菜葉黃

唐代隋隄柳

淮水輕明啓鏡奩柔荑猶似寶兒纖如花宮女方迎輦含笑
眞妃又入簾煙景揚州三月暮風流宣廟兩星添眼波一瞥
河山換雨笑煙顰聚翠尖

前題四賦

漢宮虞美人

數行泣下粉娟娟難化江東紫玉煙回首可憐歌舞地傷心
只在奈何天細腰誰與成雙對傾國傾城無對無
雙見徐孝穆文結子卿應
過八千坐閱娥姁到文母元后爲新
室文母名花含笑液池邊

禹廟儀狄酒

采桑津畔釀醇醴夏后荒祠祭品豐玉粒祇應分后稷金船
終是屬司空船司
空白狐量可千鍾滿饕餮形呈九鼎中何必
祠官申酒禁一時愠解五絃風

魏營諸葛菜

儲胥風動菜花天江左鱸魚無此鮮煮處那分三足鼎買時
須用五銖錢漢家根蒂知深固曹氏町畦盡棄捐可得全忘
求益意直規河北作屯田

唐代隋隈柳

海內天人見褻裘蕃釐花事幾番休裙腰武媚開箱驗眉嫵
蕭娘滿鏡愁用楊帝覽鏡語蕭后事始末風流雙後主隋前陳後主唐後李後主中
問妖亂小迷樓揚州妖亂志直須等到漁洋出結東江南一段秋

前題五賦

漢宮虞美人

竹淚花魂何異同一般身殉兩重瞳三妃後又悲龍馭諸呂
中尤恨馬童椒寢不爲神女雨歌臺可有大王風花時莫薦

新豐酒心與江流直向東

禹廟儀狄酒

四載憂深問杜康
王心休厭玉浮梁
瑤階舞羽眞愁帶
石紐歌風卽醉鄉
魑魅敢攫金鼎鉉
雖龍莫污繡衣裳
平成大饗功臣日
曾對松雲盡一觴

魏營諸葛菜

盤根始借荊州住
闢土終思許下居
更趁秋風吞白下
好留長命菜菜名送黃初
其根操懿俱能敵
此土歆甯不共鋤一作敵根未足
難司馬鋤地還當屏子魚雷雨使君筵
上作鄴園甲坼定何如

唐代隋隄柳韓韞格

阿麼嚙鎖怨眞龍
弱不禁風柳意慵
白傅小詩高薛監薛道衡揚
柳覆金隄一詩爲煬帝所忌絳仙秀色換昭容
開皇後見柔條長乾德初

李上卷之二
猶劫火紅送盡六朝還送別吳煙終古綠濛濛

救帥見和漢宮禹廟諸什再賦四首

漢宮虞美人

已矣彭城范大夫有誰携妾泛江湖身如人柳三眠懶恨比
桃花片語無記著舞衣歸玉帳誰持團扇立金鋪虞兮莫復
悲銜土雉也何嘗非楚俘

禹廟儀狄酒

坐諷丹青遺廟句肯招赤白種人來誰將羹醴調金鼎莫把
琅玕珠玉杯蓮脯芳馨堯舜賜糟邱沈酒子孫哀千秋俎豆
懷明德平滬江波綠醖醅

魏營諸葛菜

春旣種漢苗肥非種當塗亟去之曠尙兒孫非蔽稻雲芝

心膽是莪葵幸持漢箸紆籌策肯望曹梅救渴饑敵國漫勞
輸益智帳前早已卻當歸

唐代隋隄柳

不關興廢自風流八字雙隄儼門牛楊素依稀同姓氏秦青
約略入歌謳春纔拂檻輕於燕美亦如髯恨不虬得見太原
天日表自憐卑薄是揚州

樊山續集卷二十三

樊山續集卷二十四

恩施樊增祥嘉父

紫薇三集

起乙巳十月
訖丙午十月

夜坐

地衣五色印成花
顛裊香枝一穗斜
酒惡更思霜後橘
樹凋全見月中鴉
無花未便風情減
有鏡何嫌目力差
爲嚙華池貪暝坐
無聊試學養生家

寒夜徘徊體

譙門畫鼓已三敲
倦聽茶聲半夜潮
鑪取微溫方適手
帶非甚緩不宜腰
空心視滴中無水
罩服琉璃上有橋
試取茸裘較分數
羔羊程度淺於貂

湘綺先生游秦喜贈

金山漫詫滕元發唐殿驚逢李拾遺道莫能容纔可大老猶
得見未嫌遲高名彈壓三公貴正議分明百世師孔子西行
終不到秦人今始識音儀

湘綺先生小住五日意將登華而歸賦詩惜別

乘興西游入武關絳雲舒卷意閒閒去從漢水浮湘水來爲
樊山與華山舉酒水曹梅樹下題詩玉井藕花間誰知京兆
街頭客五日匆匆走馬還

香瓣南豐是我師東歸何早見何遲津梁雖倦情難盡筇笠
孤行意可知老鳳文章逾藻耀神龍首尾望迷離他年續刻
題襟集添取西京掌故詩

送懋翁司樞鳳翔

東湖風景似西湖曾見羣仙再至無公嘗守鳳翔今日分携十學

士謂學務處尹仲錫程載傳吳敬之仇來之楊吟海吳少蘭黃肇青蔡師愚張衡玉秦辛翁明年消頌萬
紅芙蓉栽鶯粟新增稅勸種魚菱薄取租竹馬兒童認顏狀
依然前畫醉翁圖

流水高山抱古懷牙琴莫嘆賞音乖魯瞻惟有靈光峙漢雋
無如曼倩諧驛騎往來送詩札鞅韉上下喻官階公守西安余爲渭南
令及余陳臬而公守同州野王二老依樓久祇覺關中氣色佳

次韻和湘翁仲冬九日宿華陰嶽祠

銅仙拭鉛淚玉女迴青要自違謫仙人邂逅復今宵庭軒炳
椽燭卓樞騰華鑣言安五龍寢遠啓七客寮夜起望明星峯名
一碧與天高西峰躍寒兔積雪明松喬赫赫金天神冬至將
大郊勿徒訪琴姜爲賦碩人教

午詒遊華山歸同子復枉過夜話因贈

謝家羣從盡翩翩大謝來過挈惠連名業眞如東出日法書

能補右流天

蘭亭撰本缺羣帶右流天五字

纔瞻秋隼三峰頂記掣金龍七

載前玉井蓮花君舊物

蓮花榜眼

歸來遺我藕如船

冬日池上

自披風帽俯冰池照我須眉復在茲詩到古人不到處愁生
春水未生時山頭積雪松猶健樓上迎暄柳未知萼綠邇來
消息少好惡驛使寄橫枝

宋人有貧樂圖詩三首皆佳戲和其韻

老翁白頭方著書斷簡剝落青漆膚兒就燈讀母作孺學書
自詫王豹奴

平居不草封禪書得妻花貌冰雪膚犢鼻卽是死央孺婦翁
勿矜八百奴

秀才短視夜讀書石蓮去心仍帶膚自起煎茶火燎襦笑罵
茗者酪之奴

再和前韻

大兒聰明讀父書小兒黃領白玉膚燒栗互讓承以襦火攻
何敢同阿奴

典琴時時購異書青氈夜夜親肌膚甯飢無粟寒無襦不爲
平陽公主奴

荆妻覓線裝舊書嬌兒食桶忘剝膚興來鈔詩滿袍襦楚騷
直命之曰奴

三疊前韻

平生恥作乞米書大雪晝臥凍裂膚一縑不受冬少襦終不
屈身陶胡奴

夜除鄰酒佐讀書地
鑪活火燒松膚絮衾上覆短布襦獨睡
不解溫錫奴

夜思古事繙破書
凍飲蠶汁清毛膚短衣怕著裘與襦
目中何有三寶奴

余論詩專取清新以爲古作者雖多於詩道固未盡也
賦此示戟傳午詒

句律原參造化工
兩間光景信無窮若無鹽豉蕪何味爲有
梅花月不同略取蜀薑生辣意定須越紙熟槌功
今當萬事求新日故紙陳言要掃空

寒夜疊韻簡午詒

吾廬藻繡復綸緜
連睡蝶醒來影尙翩
燈盞自明無月地

用呂吉甫

答荆公語

梅瓶剛及試花天
詩心馬上和牀上
茶品明前又火煎

爲報晚雲濃釀雪紅氈重坐暖金船

寒夜寫懷

寒釧三打夜蕭森鬢脚吳霜稍見侵
芒角有時生酒後黛螺何處染情深
見宋詩 盜花水足波生臉
檉燭紅深暖到心
至竟未除游俠氣十年銷盡幾鍋金

北臺冬望

鳴鶻風急小寒天俯仰關河一慨然
滕六以雲爲釀具樊川將水換桑田
樊川曲江今皆開爲良田 九遠馳驟金車耳
雙塔依稀玉馬鞭
惟有南山不改色時時青到酒杯前

叔帥用前韻見贈並懷相綺三疊韻奉答

雲際消搖一鶴翮望中紫白兩峰連
不衣自暖春風座有酒消寒小雪天
威鳳羽儀雙闕下老梅顰行百花前
故人歸聽

蕭湘雨港曲烟深一釣船

四疊韻書感

三神離立望之颺自昔東夷有少連
擗馬最思南牧地陽烏
難抑左旋天桑生於海今非古薪積如山後在前時事悠悠
人意嬾風潮休撼米家船

倒疊前韻

風波不到米家船蓮炬何勞導我前
國際儘多中立地箇人
都入自由天白雲可贈無宏景碧落難窮笑日連何日東歸
訪黃鶴羽衣吹笛任飄翩

疊北臺韻

飲啄飛鳴且信天蒼官歲晚意翛然
祇愁晚達妨賢路略識
人情是聖田深避北風花入幕更通南
棗竹行鞭時流輕薄

吾何恨四傑文章勃在前

謂湘綺

東園五疊韻

索笑巡檐帽影翩物華隨地可流連苦茶後有甘甜意暖閣
中無凜冽天黯淡冬山呈馬耳侵凌凍草茁車前斜簪散髻
平生願縱著貂裘不上船

杜詩注以船爲衣領

昨押奴韻用奴僕命騷語戟傳以爲過賦此解嘲

騷經萬古詞人祖奚錦安能軋楚風且可狂言沿杜牧亦如
險韻趁尤何懷襄二主恩俱薄景宋諸賢道益窮

若三閩作僕宋玉輩

將爲真臺矣

楚國蘭芬稱絕代獨高位置選樓中

曉起寒甚六疊韻

拂曉南簷鵲羽翩風姨霜女互鈎連手營寒素千間屋

時方擴充

各學

胸有陽和一種天山似酒人眠醉後雪如文勢蓄題前

聚星堂裏饒佳客莫憶清溪訪戴船

池上七疊韻

牆東緩步角巾翩默數苔痕屐齒連此水聊當地中海一冬
暖過嶺南天人情樂與雞爲口宦興慵如馬不前更待池冰
膠似鐵小兒來放自行船

冬暄一首八疊韻

冬暄如綺相烏翮照映紅檐雁齒連暖熱似依南極地雋涼
未是北門天逶迤橋信來霜後蘊藉梅心破臘前朝邑新來
報冬汎三河不見打冰船

日來陰曠多風九疊前韻

九英花下綵幡翩屋裏金鑪品字連近得茶園思雪水

藍老遠寄

佳昨四月暈識風天鏡容寫我猶年少詩景無他只眼前簾

外奇寒簾裏煖精廬宜稱小如船

長至朝罷與戟傳敬之共話十疊前韻

景風初至戟衣翩桓府珣超遞接連美酒羊羔三四日

用幽詩

香煙龍雉九重天功名退讓甘人後機鑿通靈貴事前又是
一陽來復候濟川努力渡頭船

六十自述

五十之年又十年晚晴猶是渭南天守中祇覺人皆智從事
誰云我獨賢鈞黨李牛銷水火性情安豹贈韋弦賓僚推獎
言皆過真率無如自壽篇

七品何來獬豸冠多緣君相獎孤寒教叅龍武新軍事羞
署麟臺舊史官弦上誰知爲箭苦牀頭未覺捉刀難二年丹
鳳城東住贏得琴樽續古懽

斗起煙塵 輦轂間戊庚妖亂互迴環魯連欲蹈無東海蓮

瑗微行有近關黃蠟十九猶北寄

奉董夔起先後上府主四
十餘箋出京後猶屢書啓

事

紅燈一路照西還兩家平善由天幸

婦家
同行

馬上閒吟看華

山

西幸金輿入建章紫微今始用君房房喬果以能謀進陸贄

偏於典詰長當國二公同患難回

天數語繫興亡

詔書

切責誅戎首辣手袁絲漫比方

託跡高奇不耐官白衣李泌自蕭閒了無孝直恩仇意焉識

桓公喜怒顏將士指揮帷幄裏公卿成就齒牙間誰知存魯

平齊客五柳東頭獨掩關

廬鳳艱危出備兵

慈甯宮裏詔留行旁察十國和平局更

定三司制置名時論虛稱唐內相王程不出漢西京玉鐫

天子私人印簡是儒臣意外榮

鳧鳥飛翔上柏臺中間超越五重階繡衣入謝仍溫諭新政

提綱亦硬差

時仍兼政務處提調

驟陟崇高知過分多蒙謗讓轉銷災

同時多少栽花伴顛倒王郎手版來

金幣和戎歲有差臺符寔迅復颺馳民饑已苦窮無告 國

計當思久可持關內徭錢重定額河東池引薄增釐封椿百

萬皆新帑取辦崇朝眾不知

余兩爲布政藩庫歲增約款百餘萬

大好湖山愛浙西

君王特敕許量移蘇隄柳眼青相待儉

府蓮花喜可知

函訂榆園藍洲兩君入幕

紅葉好攀衣

平

錦樹綠波擬拓

放生池

紫宸殿裏朝天畢到及觀濤八月時

師弟聯翩謁

紫宸卅年門館受恩身自親几杖忘寒暑重

話滄桑雜笑臙指數賢奸陳伯玉調停新舊范純仁經年痛

飲宣南酒奪我西湖又入秦

重臨闕輔備藩宣百吏行冰嶽雪寒節度祇今三易帥國門
不出兩遷官上台總有陳雷契掾屬都同舊雨看滄海橫流
滿天下長安八水獨安瀾

馬上飛騰鬢髮青十科前已盛虛名循良文苑慚中立筋力
風情敵後生千古名言信運氣曾文正語一生學術近人情渭南
伯有神明壽坐見蓬萊海色清

十一月二十九日寄懷湘綺是日爲先生生日

月頭月尾兩珮弧西華南衡道不孤滿馬嶽雲出闕去一帆
浦雨到家無來將芝草酬黃綺歸有梅花壽老逋天地沈寥
松柏健雅輪夫豈異人扶

九月廿一爲菽帥生日越二十日而竹帥生又二十日

而增祥生賦呈兩帥一笑

進退

四十日中迭稱壽亦如隔八應黃鐘差排甲乙剛勻稱攬茶
庚寅小異同共作一龍頭腹尾

洪北江六言詩三人始爲一龍言事非獨力能辦也合

爲三友竹梅松何如文富同居洛君實叨陪末座中

以龍井葉饋雲生有詩報謝次來韻

養生常毀茶飲多苦脾冷客來自浙西貽我以龍井清詩由
此出雅耆豈能屏點入白定甌綠光照衣領想見發漢皋火
車載而騁珍重襲素鐵謹嚴束紅纒淪以通濟泉如持湖亭
盃色淡意轉濃味腴香且永獨飲復誰共數之得入餽惠過
酒一瓶意同粟五秉華清有佳人仁此團月影病足不下牀
閉門謝朝請徘徊苦後甘積漸入佳境暖閣鳴松風銀波瀉
壺嶺

林子中詩壺嶺共傾銀雪水

昨夜雪在竹紅罍熱力猛雀舌發香清

龍頭得句警陶家，冷生活可以做貴。幸新詩二百言，淡遠出明觀。和君白雪詞，取辦在俄頃。何當同夜話，煮燈紫微省。

雪中八首和何方伯

始見今年雪，清朝掩戟門。倚天松鍊骨，入地麥盤根。世重王侯臘，春濃草木恩。橫枝方有喜，溫伯自無言。

醞釀天心苦，陰雲闔復開。艱如酒求麴，喜見玉含胎。青鳥朝方至，飛瓊夜始來。雲旗擁王母，環珮降蓬萊。

天地何空闊，江山想混同。門龍停海上，歸鶴話遼東。未復田疇綠，聊遮戰血紅。三陵稱雪瑞，長此洗松蟲。

霸柳回青眼，秦山也白頭。人心每憂旱，吾鬢不知秋。紅積十年粟，雲舒萬丈裘。河山仍鏡裏，奇絕帝王州。

清晨過學塾，踏雪試諸生。

是日試高等學堂

巾卷承花濕，茶煙隔竹

清鴻毛想風力蠶葉靜春聲官屬皆何阮吾衰慚主盟
高閣憑臨久層城氣象華吏監三廠弼兵掃六街花路滑稀
乘馬驅寒早散衙詩心共花發誰與鬥尖叉

閒日思閒事書窗倒好嬉酸甜煙幾蠟清濁酒雙鴉暖窖羞
生菜天瓶供折枝籬頭吹筆架狡獪是風姨

以我樊山集契君冰雪腸

方伯原詩爲雪
竊謂樊山集作

筆尖剛冷字

余詩
不喜

鮮錦地愛明光豔養芙蓉粉寒驅厚朴湯興來如訪戴不用
剡溪航

臘日花匠進螃蠯水仙數頭憶正月作詩纔一羅預耳

感賦

趁逐春燈無幾時屣沙重見玉交枝世間偏是無腸子會日
常多少別離

玉質金相得聚頭花魂了不辨春秋近來更有梅花癡逸致

橫生湘綺樓

王老近詞有更有梅花癡之句

除日早起午詒送一詩來卽次其韻

誰爲通仙補憶梅霞箋深費阮郎才

昔人憶梅云擬作通仙寄內詩時午詒軍人將

手滿城歌管先春動萬里瓊瑤掃雪開

前夕臘麤自嘗諸葛

菜歲盤重暖尉遲杯詩心欲共穠花發明日明年羯鼓催

乙巳除夕寫懷

年前三白吏民懽相子香中薦臘盤二十二年今夜燭照人

十九在長安

余入關後二十二除夕惟己丑在鄂庚寅己亥在京

六十平頭白馬生三遷途踐紫薇廳當時花縣鳴琴侶起視

東方幾曙星

一從注牒去承明朝列多聞嘆惜登楚國蘭芬稱絕代強拋

著作事功名

秦風板屋氣如雲
跳梁緣橦待策勳
須信將門終出將
老年來此領新軍

諸子同爭日月光
董生能以一言亡
二千年後思周道
第一功名在學堂

雅流多視簿書輕
案牘來時只署名
試數古今朱墨手
惟應蘇綽稱台衡

滄海橫流直到今
操舟欲濟阻重深
諸公莫復爭鈎黨
新舊都同愛國心

遼東半島洗兵塵
十部星羅用重臣
天下太平從此始
吾皇三十二年春

丙午元旦

丙午生人逢丙午春王正月頌春王讀書識字從頭起運水

搬柴作計長

禪家以搬柴運水爲眞實事業今方講求實業故以爲喻

五福首先論壽富

百花次第吐香光勾除六十年烏兔百葉重題第一行

元日午詒見過持除夕入詩去尋卽和示疊梅字韻奉

答

東南日映九英梅醞藉承明侍從才出謝朱衣雙吏引歸看
木筆一花開千官漫刺投諸囊四海狂瀾渡以杯見說春回
人日後西園芳信要詩催

元日次房前輩謝余饋藥次來韻

君忠憤得藥後自言安睡竟夕

重看宜春苑裏春芳情勝氣與年新
鵲頭同下朝元拜鳥爪剛投蚌後身
美睡麝皮從呂授令詞羊舌賀
韓貧願回涕上看山眼巡視周南舊吏民

君甫自山東回陝

受軒和元旦韻再賦

風調無如大蘇氏雪晴能唱小秦王

蘇詩濟南春好一絕爲小秦王調

稍欣

詩格與年進漸喜兒衣如我長袍袖先回春草色茶甌豔發
綠波光人間四十年鄉貢合與梅花論輩行

齋頭牡丹盛開戲疊前韻

若把牡丹方杜甫花中詩裏兩名王唱酬人日窮愁少終始

春風富貴長

牡丹一春再花

檢點一年來草稿徘徊十步外花光彩

毫豔奪臙脂色每句求工肯拙行

新歲示客

扶風馮翊久牽絲古帝王州極盛時燭武得君今老矣國僑
爲母眾安之星臨東井長相聚官愛南山兩不移多事得閒
因歲首萬花暉麗錦堂詩

示吏

渾忘德怨了無私謗譽由人不自疑才有短長臨事見意存
忠詐聽言知俗情免窟營何早國計羊牢補未遲我自不爲
田舍計底須二頃溷張儀

廣示吏詩意

解道多師是我師老懷平淡謝恢奇才情豐約生來定血氣
盈虛睡後知周王最喜舊人憎學究每存新理廢名詞西儒
未見吾狂耳相見當勝不見時劉改之詞不恨古人吾不
見恨古人不見吾狂耳

高齋

高齋晝靜客來稀風裊香煙上戟枝眼界擴於觀海後名心
淡到看雲時每防出話危無當未害除官核不離才德了無
精進處年來所得是頑癡

開歲五日東園舒眺

陶公游戲斜川日我亦熙怡畫省東牆脚踏苔留老雪庭心
暄柳引芳風雲嵐往往生衣上花信番番在意中已是春頭
仍臘尾送寒行策土牛功

十二日
立春

同門周仲海別四十年不得消息頃有書來知以戊戌
成進士尋補盱眙令以憂歸賦詩禱寄

少年同學兩人奇四十餘年繞夢思猶記上頭有崔顥

來書
推獎

甚堪嗟北不識盱眙文章深尉登科晚名字清臣到眼疑

君
鄉

舉改名故通
籍而余不知

河有鯉魚衝有雁尺書往復寄新詩

馬日曉起大雪次韻

散花天女下華髮玉蠹東堂看假山裴令園林春尚溼袁安
門戶晝常關老農舉酒皆欣賀寒士無衣偶謗訕料得萬家

同冷暖不應李令獨蕭閒

元微之詩千官暖熱李令閒謂李西平也

日暮又雪倒疊韻

北臺卮酒可能閒東郭寒人未足
訕泥路馬蹄常滑滑竹間禽語
自關關裝添春色瓊瑤樹激射
斜陽紫白山階下兒童工學塑雪
獅上面有花鬢

次受軒人日書懷韻

七日新年過人間未立春製燈象
蓮女守戶有桃人賀雪書傳隴
看雲美在秦盈庭盡嘉客何敢效
顏曠

百種魚龍戲連枝富貴花笙歌皆
樂府捕博亦兵家畫象仙

人鹿

常觀蔡斷
蟠鹿照片

陰功宰相蛇

是日按滬上書以
海州風災求助振

多爲吉祥語

詩筆更妍華

賀摺春前返平安祝

聖躬

摺弁初五日回陝

雪從瑤島白雲捧袞

衣紅時政王兼霸臣心老尙童九州同暖熱無盡是春風
同年三百輩交契兩人深茶把煩春翦花燈照夜吟酒添磅
礴氣詩慰寂寥心魚稻此間樂無爲思故岑

梅

牆北一株梅凌寒數萼開雪隨殘臘盡香逐上春來得堦湖
山樂生兒宰相才百花皆後輩還仗好風催

有感

悠悠未是汝南評微覺桓公喜怒輕朱邑家鄉還此地藍田
鼓吹是何聲如公始稱才兼望願我安能實副名渭曲白魚
青竹子一竿煙水盡生平

改歲

改歲已過三十日老來襟袍覺閒寬英雄人每輕邊幅格律

詩如養內丹家釀速成緣水短

酒有長水短水之別
在宛詩短水具新醪

國花晚

達爲春寒清尊首置芳梅下萬紫千紅次第看

署齋春興

木筆初開日漸長香醞畫省自徜徉學堂生草憐書帶倉吏
栽花得米囊南畝雪泥三尺透西京燈事半春忙

西安常以
二月賽燈

掃清案牘餽梅底領取橫枝自在香

二月朔艾卯學使枉過煮茶看畫清言竟晷

進退

東省春融接使星養新商舊互忘形十年種樹頭應白小雪
煎茶眼倍明李郭暫同書畫舫憚王俱在紫薇廳關中桃李
花如錦待取秋成貢玉京

出城

南陌春分氣漸和秦山老雪尙錢錢唐朝塔廟丹青落杜曲

人煙柳杏多古塚誰開追悼會新苗已辦速成科清朝小閣
銀鎗隊細柳軍容不啻過

齋居用前韻

齋居二月已暄和案牘何曾廢嘯歌冠帶東人行樂少鶯花
滿眼得春多綠槐舊是中書省紅杏今非進士科胸次蕭慘
謝塵俗坐看雙鵲戲庭柯

花朝喜晴

準備芳辰薦壽杯南山佳氣入樓臺鵲如漆吏荒唐語花爲
三郎爛熳開甚欲挽留佳日住都會經歷苦寒來晚霞幽草
皆顏色天意分明莫浪猜

池南

池南籬落似山家寒退纔蘇百草芽五見春冬新舊雪雙收

紅白異同花臨文作輟三投筆對客寒暄一舉茶來凭朱欄
常在晚牆頭山爲夕陽佳

俳體酬午詒疊歌韻

莫漫騷壇議戰和新詩前後緩聲歌雪能豐麥原因在風爲
催花動力多馳道擬通西伯利 行都此亦莫斯科百圍喬
木參天起常煩鶯遷舊日柯

春日效俳諧體四首

捲簾含笑對東風世界於今亦奈鴻跳舞會宜夔一足測量
學要羽重墮西京花鳥皆標本南畝人牛並苦工春物滿前
任描畫名詞翰寫入詩中

紅紫嫣然滿舊京豈惟蜀越錦爲城羣鶯演說花間事雙鷺
磋磨水上照楊柳以風爲運動桃花何地不文明課詩那復

論鐘點盡日清吟繞竹行

柳交花錯影重重仿佛西清聽鼓鐘
鳳吹徒存名譽竹鶴心常有感情
松蟻柯設郡籌邊計鼠穴無車看
內容夢蝶蘧蘧春晝永黑甜鄉裏願移封

天機活潑世緣輕思想何曾問晦明
夜有風潮羣鳥鬪春含電氣百花生
彈碁不樂中心點門茗常多後備兵
成瑁邇來惟坐嘯九天鸞鶴是同聲

賦得女學堂十四韻

傳聞婦學盛東京興起支那女弟兄
初六履霜陰象見東南出日化雞鳴
鉛黃自昔留污點釵弁於今要競爭
絕國語言嬌乳燕大家講義轉春鶯
教之歌曲鸞爭舞畫以臙脂虎竟成
標本室中花樣巧體操場上柳枝輕
窠腰可似諸夷細天

足纔堪萬里行梅實改良將問鼎蓮花進步卽傾城天公電
視應相笑織女星期任改名橫舍各安娘子位陸軍常備美
人兵地球漸逐秋波轉天柱都將玉筍擎治外法權操女手
自由婚嫁順人情號姨騎馬羞前輩韋母稱師畏後生成就
國民四百兆中分一半是娥英

艾卿學使致梨花春二嬰長句報謝

巷陌未見梨花雲鬢頭已熟梨花春春寒驟暖酒性冽三原
市上多醉人秦娥壓酒用唐法甜和殊勝鳳州辣蒲城桑落
得秋清頰陽石凍上口滑未如此酒顏色嬌淺淺鷺黃天下
甲轄軒使者今青蓮斗酒能消詩百篇輦致雙嬰來贈我魏
車入門簷鵲喧泥封始拆三道印清冷似酌中冷泉君言酒
中入香藥飲多頭上青天旋此如香冰宜冷飲心目與酒同

澄鮮憶昨軺車過東省微雪打窗呼煮餅新豐濁醪盡一斗
人間酒不中尊飲爾時若得梨花春醉倒還夢梨花雲詩成
又近清明雪把盞東欄一憶君

二月廿九日東招省之仲錫載傳俶南敬之裕堂雨濤
過雙紅豆館試梨花春師愚大令適至遂留共酌疊

前韻索諸公和

有酒莫送楊子雲有錢莫買拋青春

酒名

古文奇字已無用青

眼高歌猶有人光祿何曾知釀法御史亦非蜀椒辣譏彈不

到西園宴

暗用歐公事

語言自愛東方滑今朝有酒具庖厨料理

茶丁和菜甲唱歌休唱相府蓮尋樂當尋秋水篇涇河小龍
來不速廉夫七客皆笑喧五簋徐進蓮花鮮百壺滿泛玻璃
泉九州上腴地不小請君舞袖爭回旋園叟摘果當及熟宰

夫烹魚當及鮮此爲有唐中書省新煮餛飩頭非畫餅

唐中書省新煮

餛飩頭

東坡昔已說平權玉皇卑田可共飲酌君一盞梨花

春意氣上薄高天雲梨花已過青梅熟操也請從劉使君

三月初二日過課吏館扁試竟日嚴寒欲雪賦示館員

晝長閒試午甌茶文戰當筵靜不譁斗室春寒繙札記

館吏皆呈

日記玉階昨雪打梨花

朔日

謝公寢處仍山澤非子縱橫是法

家猶似當年依幕府西歸辰入了無差

午後轉晴盆中榆葉梅將開矣登前韻

繞牆新樹碧於茶院靜曾無鳥雀譁芳草又消春後雪紅梅

纔點葉中花陰晴難料天公意籬落還如野老家明日被蘭

臨素澹風光未較永和差

上巳日菽帥問有詩無仍疊前韻

禁煙前已采頭茶勝日曲江鶯燕譁襖帖到今百回劫麗人
映水兩枝花蘭蘭風俗登詩史菴靄溪山付畫家漫道謝公
游屐懶風痺已較向時差

菴帥病
風新愈

兒輩踏青歸代書所見四登茶韻

瓦鬢初賣柳陰茶出郭村溪遠市譁水落蘇灘都似雪春深
油茶未成花二年楚客分屯地

去秋遣散屯軍官
地皆湘人領種

一線公羊

在餅家村塾兒童枉占畢學堂分數已全差

追悼李亦元比部

帶草霜凋歲在蛇蘭摧玉折豈勝嗟鸞鳳縹緲知何往龍象
雄鷲平聲力可拏無復商量新舊學更誰溝合墨儒家三年懷
袖東方札猶見江毫五色花

馬大令納姬仁甫目爲墨牡丹大令年六十七古道照人

因以筆公擬之亦強對也寫送次舫前輩仁甫同年
發笑不必寄馬

來抱衾裯正及春細桃結子杏生仁筆公白到鏡中髮墨牡

丹爲畫裏人好爲雙荷營斗米

見東坡志林

卽看五桂繞靈椿周

南處處生芳草芟何辭採擷頻

丙午寒食次舫前輩仁甫同年以東館落成招集於觀

海堂卽席賦謝

輕煙誰寫漢宮圖冷飲梨花覺暖姝西北總憐蝦菜少中南
得似鵲華無敢將郢雪騎秦缶不醉歐風是魯儒東岱早爲
天下雨綺筵重進買春壺

時方
祈雨

喜雨

爲霖果慰萬夫望庭樹油油暖綠光二麥信知公益大百位

何至感情傷窗開朱鳥迎朝爽裘有青羔備夜涼
畫漏稀聞投謁少垂簾消領幾銖香

吳移香觀察輓詞

觥船昨夜泛金波忍聽今朝薤露歌
人物百年歸海岱琴尊一夕渺山河
榮途脫屣平生了華屋聞鐘涕淚多
春到盡頭花散雨生天不是病維摩

三月晦君猶夜宴
比曉無疾而逝

滿門清氣鵲華秋官職聲名第一流
父子有文魁輦轂弟兄接武上瀛洲
薛岐邸第攤書坐蜀洛人才按籍收
東壁南臺並華要兩衙丹詔御星輅

青雲取勢故斜飛行部關中玉有輝
判牘屢勤南史筆迎鑿遙識侍中衣
兩持玉斧觀風出一送麻衣帶雪歸
從此周南芳草綠負他士女望驂騑

同聲同氣亦同年東省西臺笑拍肩知我寸心如水鏡以君
高論當韋弦新詩未梓先求藁大事需材每薦賢身鶴哀鳴
雛鳳小東風吹淚注秦川

庭際紫牡丹一本作花甚盛賞之以詩

名花奪得魏家紫彤霞細簇黃金蕊燕支顏色彌一山鸞鷲
文章被九子東省看花今五年今年花事逾芳妍枝頭蘭栗
十八朵庭戶一夕生紫煙寶旂東西與遮映丹樓上下相鉤
連鴛機一匹雲錦粲纈領徑尺紅珠圓天香國色卿無讓聲
價欲出姚黃上蜀國錦坊進妃子揚州金帶稱丞相朝酣豔
盜百寶欄夜冷迎歸九華帳省中百本紫薇花團結香光一
千丈主人六十鬚未蒼花下徘徊春晝長西明題詩少年事
金箋字字含珠光夢中綵筆故未失文與鳴鳳爭翱翔落花

一集稍後出樓臺七寶何嚴莊清平三章小言耳賞以百篇
殊未央若比麒麟賞鳳尾汝可移封江夏王

立夏前一日東招午詒編修載傳敬之兩太守雲生雨

濤兩大令集雙紅豆館分得咸韻

真率盤飧笑老饒竹林深處酒杯銜縱橫文字騰天馬幽麗
池亭似石帆春夏之交薦櫻笋暖寒各半任裘衫此堂此夜
祥星聚聽取詩壇號令嚴

一樽婪尾夜猶銜簾簾清虛夏氣攪春似燭花紅見跋詩如
筍脯淡勝鹹熊魚得一心俱饜客饋熊掌不中食龍鶴相逢語不凡
明發斑駁催送客簷花細雨滿涼衫雲生明日行涼衫卽今合衫也

和雨濤江韻

精廬應是木蘭艘乍可受人三兩雙舉酒嵇杯深門陸評詩

范意淺於江小奴焙筍爭茶竈嬌鳥含櫻墮竹窗更展圖書
銷夜永列錢銜壁有金缸

和敬之佳韻

老鐵寮中客並佳馬蹄薄暝度槐街頭巾早共時文棄眼鏡
新因古壘搗梅墅清陰深似幄藥欄綠雨細於筵官廚學作

家常飯猶似當年夜話齋

余在渭南常
暮夜話齋

和午詒肴韻

得魚客不道無肴四月聞鶯夏令交酒澁可須青豆浸鮓香
未用綠荷包翰園五果思春薦鬱律雙槐閱歲鈔莊叟小言
堪喻大試將杯水驗堂坳

和戴傳覃韻

座中人物盡江南心迹都如月印潭漫興小詩儒遁墨

余詩
時作

詞 慰情薄酒文非男睡魔須用眞茶醒書味初回諫果甘官
屏三閭忘主客祇應題作憇雲庵

和雲生鹽韻

揮犀捉麀喜相兼試味卿言似此鹽語判莊諧詩有體字兼
刷勒筆無尖政聲黃霸須防減酒量山濤未可添我是貞元
舊朝士待將佳句付何戡

論詩二首限講絳二韻戲東同座諸公

收書入腹中如錢投於甔積書不能用如舟膠於港腹蘖未
落紙如珠孕於蚌塵牘不瀟人如癭脫於項琢句求華妙如
田費耰耩盍持綠茗杯坐聽樊生講

詩中有秘色如畫有淺絳詩中有玉聲如水有石淙氣蒸紫
白雪聯截青紅虹長風渡滄海短兵接隘巷鮮明雲錦舒清

越霜鐘撞世人不解讀驚怪天書降

蓉舫前輩以乾菊貽仁甫答書有櫻口一笑之語蓉老

賦詩嘲之仁甫不答樊山代答

櫻桃本屬吾家素城北平分一點紅豈謂蒲萄來漢苑翻如
香荔進唐宮英華盡入咀含裏城國傾於巧倩中又是寢園
新薦後流鶯舌上弄春風

宋人櫻桃詩一粒金丹尋不見曉來枝上弄春風

偶然作

嬌柳含風蕩綠漪芳晨已過牡丹時
逡巡又薦玫瑰酒次第當吟芍藥詩
論史莫輕小司馬注莊還愛大宗師
等閒識得西來意不遣靈明挂一絲

偶步池上憶去年作闌干詞歲一周矣

畫羅衫袖有餘溫
錄曲猶疑舊日塵
惆悵摩訶池上事
水中

紅影月中人

池上疊前韻

池萍風皺見清漪又是花鷺哺子時雨後園林顛米畫夏初
雲物盛唐詩蒙莊作吏仍胡蝶柳惠除官詫小師見貢父詩話桑
葉漸肥豌豆綠坐看蠶箔欲成絲

月夜池上疊前韻

池光受月晃金漪樓外棲烏已定時柳挂風箏前斷線苔侵
石筍舊題詩才搜儉府充花幕文勒蘇亭謝雨師雙鬢不緣
多事白未勞燈下簡新絲

三疊前韻遣興

靜院風簾動翠漪飯香欲過午鐘時人無畫裏無人畫某遺老作
畫不畫人問之則曰世豈復有人耶今其畫罕見我有詩中有我詩頭上名花簪藥

相心源活水悟田師羣兒盡說蜘蛛巧絡得簷前幾絢絲韻
自注固豈無人不收畫裏無人之
畫世猶有我好作詩中有我之詩

觀物

漫持物理問昭融觀念由來在靜中阿魏無真如理學雞豬
有味是英雄隨園之論如此收藏果實經時脆栽接花枝當下紅昨

見蜂兒語蠶子繭香蜜熟告成功

四疊韻和午詒感懷

枕簟瀟湘水弄漪薔蘿花發困人時方書靈素君臣藥豔體
蕭梁父子詩偶爲紅綃談劍俠漫持綠綺問琴師美人欲繡
平原像買貴關中五色絲

五疊韻和午詒

煎茶玉水欲生漪深淺眉痕並入時澧浦花原香似妾山谷詩香

草當
姬妾

玉臺人更豔於詩靈籟乍可追秦主綺語何妨示秀師
怪得青琴絃更慢水晶簾外雨如絲

卽事六疊韻

綠窗紗縠皺春漪瞑坐心波不動時門下私鈔冬夜語扇頭
偶遇早年詩蜂兒枉作花蠹賊鳩婦常爲雨導師祇道芭蕉
堪作紙誰知甌越練成絲

無題七八疊韻

羅裙水碧斂交漪背立東風倚扇時粉溼諱言常下淚格高
伴道不能詩前蜻後蝶終相逐我狷卿狂可互師一片冰心
誰繫定玉壺密密絡朱絲

藍橋春漲展晴漪照見雲英掠鬢時醉我濃於重碧酒贈君
難甚牡丹詩分茶擘竹還多事織素裁衣不一師試捉紅鬢

餽永麝口中腹裏盡香絲

寓相思字

兩艇舫齋題詞

雙舟繫著音聲樹賦海張融此後身如鰈如鷄常泊岸有花
有竹自爲鄰兩弓笳箒巷中地一箇蓑衣社裏人昔欲釣鼈
今老矣無風波處偃虹綸

九疊韻書感

海上洪波無靜漪君看鳴鳥尙知時甄陶人物由天演開鑿
山川待地師經史外增無限學歐羅所作是何詩吾衰祇合
東溪隱閒看魚童結網絲

館中微雨示彤臣

金橘花開不滿枝石榴明潤透簾時東來雨怯西風鬥一點
紅爲萬綠欺潤逼墨君堂上字靜於白鶴觀中棋垂帷半日

鑪煙歇重和煎茶院裏詩

彤臣走筆見答登前韻報之

月季新紅雨濯枝依然茅屋買春時周原足麥令公喜越諺
迎梅不我欺蕉綠障天千丈紙苔錢撒地一枰棋鳳翔賢守
今蘇大對酒重論襟盞詩

雨止柬彤臣

曉煙散綠滿園林雲日暉暉漏碎金紫白山光兩離合青黃
梅子半晴陰曝乾蝶粉穿花俊滲溼鶯衣入柳深無數樓臺
皆罨畫未須吹笛止芳霖

雨後歸自館中

萬柳街西返照來女牆匝匝絮雲堆兩行葱佩當花散一色
朱旗捲雨回榴火媚人爭照夜梅青如許未聞雷鳴騶列炬

長安市爭似青鳧踏露苔

池北亭子

半畝芳池上有亭亭前流水當琴聽露花倒影成連理風柳
微波見性靈昨雨又添三寸碧新荷始鑄一錢青午眠乍起
無公事池北閒繙陸羽經

東堂書壁登前韻

省東亦有畫妃亭長日鶯啼鎖可聽白鹿往來花不掃紅魚
潑刺水俱靈窗含霞綺疑三絳庭列煙巒仿九青爲獵雅詞
非考古菱香閒讀道元經

次韻答蘇洲卽事五首

司空家愛等閒貧綠滿階除草色春聊可國於蝸角地莫貪
家有象牙人

張江陵晚年得一象牙美人語客曰世恐無此
好女客覓得似者以八百金購進江陵感之數

月遂
南人南物俱相憶西子西湖互寫真說到越中好山水

冗官齒頰欲生津

金洞橋西煙樹深十年絲髯謝華簪小山叢桂曾招我別墅
梅花不姓林一客還山憐鶴瘦諸郎渡海學龍吟砂鍋飯熟
童孫喚纔見而翁出布衾

大斃纍垂載小車近遊不訪赤城霞待將蘭里花簪帽更汲

桐江水試茶

皆書中語

座有老禪來豎指人於處士莫爲牙笏箕

置飯高曾矩坐聽茆檐鳥雀譁

若曾祖壽八十餘臨終無他言惟云吾日以餘飯置檐端

飼雀勿忘也

繞牆桑柘綠雲包巢父枝頭可寄巢阜帽不關王國事葛衣
尤篤九原交隨緣茶飯心常足到老經書手不拋冷笑當年
投閣者萬言難解美新嘲

誰云景倩似登仙，契闊煙霜十七年。國有人乎天莫問，民同胞也我尤憐。文章蘇氏縱橫派，學術荆川左右編。卻憶當時太邱長，兩忘清濁意翛然。

早起次藍翁韻

雞鳴起爲利擾擾無窮已，炳燭繼日光入夜行不止。宦海浩無岸，誰云回頭是莊生。論顏跖相去不盈咫，物論強與齊荒唐。靡涯埃晉人矜任達，其弊正坐此障籠及鑽核事由賢者。起居心自不淨，乃欲太清淨。豈知舜跖分判若蒼與芷，羊舌賀韓貧反憂以爲喜。放利怨必多疾，顛固其理氣莫平。旦佳心將冰雪擬斯言，乃至言鏗如塵确几。

寄湘綺

洪浮肩袂兩相期，世有高賢野竟遺。彼相不知誠小過，待人

來訪錄明夷行吟湘水傷原誼超越船山友絳義爲語猶龍
周柱史關中安樂著書宜

寄仲錫京邸

五馬趨朝一月淹憶從碣館度梅炎敵來八面俱能受史有
三長信可兼舊勝忍尋蜚白署 新恩初覲杏黃簾平生志
在完忠孝戀闕思親百緒添

長夏遣興寄藍洲杭州子封京邸

雞窗勸學老夫潛疥壁詩多舊韻拈西子有山湖色潤負薪山以
西子得名朔方看月歲籌添啼鶯一聽常中酒語燕雙歸始下簾
藜杖倚人懷遠道低花晚映玉鈎彎

蟾鈞玉映晚花低道遠懷人倚杖藜簾下始歸雙燕語酒中
常聽一鶯啼添籌歲月看方朔潤色湖山有子西謂唐子西拈韻

樊川集卷二十四
舊多詩壁疥潛夫老學勸窗雞

晚步池上

斜暉綺榭晚涼初倚竹新安半榻書茶炒嫩青煙避鶴沼涵
虛影月驚魚花三兩朵紅無那柳萬千條綠有餘沙白漫池
前夜雨霞融澹粉滴荷蕖

蕖荷滴粉澹融霞雨夜前池漫白沙餘有綠條千萬柳那無
紅朵兩三花魚驚月影虛涵沼鶴避煙青嫩炒茶書榻半安
新竹倚初涼晚榭綺暉斜

納涼

吟秋望雨卷雲烏妙墨遺詩寫大蘇深樹楚雲生壁畫覺花
湘水蕩簾珠金絲萬柳如年少玉版雙魚得意無沈李綠鬢
冰浸手琴牀仁月夢西湖

湖西夢月伴牀琴手浸冰蕤綠李沈無意得魚雙版玉少年
如柳萬絲金珠簾蕩水湘花燈畫壁生雲楚樹深蘇大寫詩
遺墨妙烏雲卷雨望秋吟

無題

關關學語偶來禽院靜飄煙炙水沈山翠鎖愁無酒暈葉紅
鐫字有花簪斑痕玉佩雙離合別意詩家各淺深鬢綠似雲
香擾擾箋詩寫我惜花心

心花惜我寫詩箋擾擾香雲似綠鬢深淺各家詩意別合離
雙佩玉痕斑簪花有字鐫紅葉暈酒無愁鎖翠山沈水炙煙
飄靜院禽來偶語學關關

得南中書

藍雲叠浪蹙紋茵散帙書牀墮粉筠含吐一櫻珠顆細卷舒

雙軸玉籤新三三董徑香苔嫩小小蘇隄柳色春堪笑一行
斜字雁南江寄信有來人

人來有信寄江南雁字斜行一笑堪春色柳隄蘇小小嫩苔
香徑董三三新籤玉軸雙舒卷細顆珠櫻一吐含筠粉墮牀
書帙散茵紋蹙浪疊雲藍

再寄湘綺

江流繞屋綠云云世事山中久不聞東國難招羣弟子中書
知坐幾將軍陸沈汲汲憂滄海九夏安安寄嶽雲何日龍簾
并虎瑟廣筵高會洞庭君

閱報紙戲書

徒然計利取譏嘲反覆心情任貶褒無可盡言空縱誕有何
知識特矜驕朱同白辯誰非是燕與鷗爭幾暮朝狐有野禪

談自妄蕪荒學舍草蕭蕭

蕭蕭草舍學荒蕪
妄自談禪野有狐
朝暮幾爭廳與燕
是非誰辨白同朱
驕矜特識知何有
誕縱空言盡可無
褒貶任情心覆反
嘲譏取利計然徒

寄懋翁東湖

不勝可意畫湖湘
白與蘇隄兩線長
秋到綠荷煙景好
鬢飄絲柳水風涼
鷗閒對話詩成集
鯽美留人醉有鄉
頭白笑花逢夏閨
舟如屋小小蓮香

香蓮小小屋如舟
閨夏逢花笑白頭
鄉有醉人留美鯽
集成詩話對閒鷗
涼風水柳絲飄鬢
好景煙荷綠到秋
長線兩隄蘇與白
湘湖畫意可勝不

寄題東湖亭子

斜通略約起紅亭不賣西湖蓮子羹
人性那如葶菜冷茶香
還借藕花清飛來紫翠山當戶
軟煞綾羅水抱城白鷺窺人
人不見湘簾垂地有棋聲

熟梅時節葛衣寒巖溜平添百道泉
柳種兩行留月地雨將
萬綠染湖天鷗馴往往依琴榻
蓮動時時下釣船大有江南
煙水意吳山青滿酒杯前

繞隄芳樹綠雲屯賢守連年手跡存
欄楯自拴青雀舫人家
遙帶白牛村地饒桐漆曾供御
行宮漆器皆取資鳳翔天遣荷花與報

恩雁齒紅檐飄酒幔風光真似湧金門

雞頭菱角賽東南避暑招涼息玉驂
官在漁船知政簡世稱
鳳酒爲泉甘鴛鴦福命今生足
猿鶴居停此處堪我亦關中
詞賦手八觀還欲和蘇髯

讀藍洲舟行富春江雜詩三十首題後

老年何計消長夏小艇看山到富春
七里梅花雖已過一峰
畫筆自如神皆詩中語時無嚴陸諸州盜
卿亦光朝一輩人五月
羊裘知隱士前朝朱噉感遺民
桐鄉煙水常多態荷葉雲頭
不一絨歸日柴門謹稚子行
勝詩畫積如鱗

歲壬午居鄂中書局偶與子珍遲菊集藍洲寓齋夜話

藍洲曰吾屬骨相平平耳雲門遲菊貌清而奇可以
入畫忽忽二十五年陶諸兩兄墓草已宿而此語若
新脫諸口藍老邇來念余尤切因檢今年照象寄之
附詩於後時丙午夏五月既望

尙遲胡杲成詩日已及溫公入社時香山杲老杲爲首七歲

曾孫新就傅蕭郎未鐸髻邊絲

官職文章并壽考一朝常有兩三人
儒林耆舊推排盡留得
樊南最後身

爲牛已老尙耕田與鶴同癯愧不仙
三十年前花上月照人

已遜十年前

無恙金尊無恙月可堪人不似當年余自題三十三歲照象詩也

遲菊天情淡如菊蘭當芳氣靜於蘭
兩公玉骨俱黃土剩把
樊山當畫看

再題照象寄藍洲

容容多福史家評奇骨翻令舉世輕
到老未除嗔與愛一生
羸得謗隨名籠鍾衫履憑相戲

裴晉公云見我叢鍾故相戲耳

廂峭文章本

夙成長日科頭松下坐若非曼倩卽淵明

題瀟瀟照象

眉黛分明秀可登倚風仙袂五銖寒
心經自教白鸚鵡畫像

人疑花木蘭煙水氣從言外領娉婷影就月中看英雄傳裏
才多少欲得秋波一顧難

再書藍洲嚴灘詩後

篷窗棖觸畫眉聲故劍霜寒較有情似欒城釵釧戒兩重
公案一時清

君四十後卽絕懿嫂氏歿十餘年塊然獨居如苦行頭陀今聞畫眉而及紅粉正理學家近人情語昔蘇子由以聞鄰牆釵釧聲而心動者爲破戒葉石林議之云知爲隔牆是一重公案知聲爲釵釧又是一重公案違問其心動否乎若藍老者吾知其古井不波矣

脫屣東都諫議官紫微旁帶客星寒寄言弄筆諸年少莫逐

黃生食馬肝

壁詩有非子陵而薄光武者君立命刮去

得旭莊觀察書却寄

回首春明四十春花飛紫陌悵前塵雁行自逐三才子

丁丑同年

目余與伯兮蒼生爲三才子君與吾三人敘弟昆之誼

鳳閣羣呼四舍人

君初入中書余有贈玉四

舍人詩一
時傳誦

星有角張常隔面日斜庚子共沾巾

庚子春見於
都門未幾而

拳匪
起矣

關中一掬蘭成淚寄與江南灑白蘋

六月初三夜熱不能寐檢越縵集有小暑聞蟬詩因次

其韻

古槐十餘本時有一兩蟬夜起挹清露庭花皆靜娟垂綫作
數弄宛若纜車旋感此撫玄髯鏡中非昔顏往者盍簪社

所立惜惜操縠絃歸然霞川老久已人琴獨倘不棄冠珥亦當

槐禁遷今諷小暑作清於松下泉誰知北窗北自有照黃天
明當展琴簟來就綠陰眠

宵熱

大熱無安枕微吟獨倚樓星高羣木上涼解五更頭仙露灑
於曉明河盼到秋幸無燈與月來照夜人愁

久雨酬何方伯

屐聲笠影滿槐街，滲漉經旬地不埃。渴已掌中仙露解，詩須
頭上墨雲催。暑如酷吏風吹去，國有豐年雨送來。起視芳田
秋稼綠，青天萬里一時開。

壽抱冰師七十用香山九老詩格

哲學環球第一家，上流二紀建高牙。五雲鳳詔參差出，四海

龍人早晚衙。表謝

兩宮三屬草筵開，八秩再探花。

公八十後卽重

宴瓊

節樓屢荷天題榜，幕佐羣霜。

御賜茶手造江山真衣。

錦身居蠹閣，暗籠紗。關中底物爲公壽，八月幽風棗似瓜。

藍老得余照象遠，惠佳章。次韻奉報時君亦以照象見

寄

新沐必彈冠，振衣爲新浴。世人見衣冠，下風詫芳馥。焉知道

世人所樂在耕讀眼不識劉孫手不繙除目自稱曰潛夫不
可拔其確影散東坡百居近畫橋六遺我野鶴眞一清謝百
俗秀逾文三橋朴過李二曲翁健若馬援官清勝羊續湖樓
賞微雨山翠若膏沐下有攝影人頗諳光電學寫此狂簡照
孔門侶琴牧回視樊山象差同唐視祝雙瞳各秋水寸心耿
明燭兩鏡挂虛堂無心雲相逐公自訪虎跑吾能制龍毒何
日段家橋醉中騎白鹿宋詞昨夢醉來騎白鹿滿湖春水段家橋陌花無那紅井
葉不勝綠棋畔置樵柯柳邊尋釣竹分踞南北峰萬里恣遐
矚此願亦易償芒鞋在兩足行當謝蟬珥荷芰返初服和詩
以爲券自矜倚馬逸君詩涪翁生吾詩放翁熟山谷太生放翁太熟竹垞

也語

七月七日東園小集

雨後開軒覓晚涼，客來先醉綠荷香。
園蔬離果存真味，短髻輕絲盡古裝。
黃月照人，生酒意；銀河垂地，接花光。
人間兒女歡今夕，老去隨緣一舉觴。

雨中作

窗北風清午枕甜，放衙早晚索衣添。
雨纔起點秋先到，天亦維新夏不炎。
無限雲蘿牽補易，有情書札往來淹。
呼僮檢視牀頭漏，莫損書厨紅白籤。

喜晴 是日得電抄有立憲之諭

雕簷雨歇鵲飛回，日出青門四扇開。
北院風香清菡萏，行宮舊院稱北南山雲氣對蓬萊。
池塘倦柳煙猶鎖，澆灑新棉雪已胎。
聞道朝廷改專制，鳳皇銜得紫書來。

七月既望雨後月明如晝

三日梧桐雨滴階披雲誰捉老蟾來玉盤我憶兒時見碧落
天從子夜開小范甲庚知變換范石湖占雨詩或云逢庚變或自換甲始大蘇王
戎共徘徊鏡中全攬山川勝更上凌歊百尺臺

寄夢華

矯首關雲獨我思書來猶是暮春時艱難新政紆籌策容易
秋風感鬢絲舊學都同夢狗彘粗官還當土牛騎東西屏翰
遙相望同治初年兩塾師

省三觀察招飲賦謝時君有白河之役

安排魚蘖及秋期選客矜嚴選飯遲燕壘秋心將別候猩屏
天氣已涼時杯中甘露舒茶蕊樓角明星颭酒旗倒戴接羅
歸去晚風光真似習家池

雨夜作書寄北京

月黑西樓過雁初譙門風動小單于秋燈畫省三更雨淡墨
京華一紙書雲母屏心寒色重梧桐葉上玉聲疏漢廷買助
皆才俊可待凌雲賦子虛

賦得掃晴娘

積雨悶甚憶歐北集有此題戲作四首

盡日垂簷雨弄絲裁紅蕩綠出兒嬉舜三妃淚猶沾竹黃四
娘心合是葵多露可憐穿屋女凌風莫作墜樓姬兒家本分
惟箕帚未要巫雲繞夢思

暮暮朝朝十二雲披雲手段信無偷誰家樓上盈盈女百尺
竿頭裊裊身皆成見睨那逢青女面占年還勝紫姑神香山

老去朦朧眼錯認瀟瀟曲裏人

亦如山上望夫回望斷朝暉又夕暉李笠風箏原醜女秦王

天帶付巢妃花纔落地殷勤掃絮不沾泥上下飛可肯將身
作鳩婦晴鳩早喚雨鳩歸

箇人鬢亂復釵斜水佩風裳致自佳季女南山愁曉霧靈妃
洛浦怨朝霞泣乾織女銀河水散罷維摩丈室花早起羅敷
應有語東南日出照秦家

前題叠前韻

帔裁紅網髮青絲不分秋天作水嬈宜稱楚衣更薜荔合將
班扇易蒲葵燭天慚對牽蘿婢雪地曾逢賈茗姬見說弄潮
兒有信踏搖娘子可相思

誰從天際掃烏雲織女黃姑敢比倫終日辛勤箕帚婦隨風
飄蕩酒旗身煬戈自愧齊非偶楚岫眞憐女不神褊把衣裳
壓金綫從來捧日是黃人

昭陽暖樹鵲飛回奉帚平明到晚暉星度可曾添柳宿雨珠
何必賜梅如朝隨金母排雲出夜逐嫦娥貼月飛憑寄扶桑
書一紙日兄早晚覓當歸

樹頭簷角態天斜信是紅閨製作佳身不爲雲天不雨心如
止水貌如霞前生薄命冰蠶紙後日酬功火宅花

晴則祀以酒脯而火

化欲覩青天披宿霧扶輪妙手屬兒家

前題再疊韻

身爲傀儡任牽絲有婦人焉倒好嬉料得有郎如桂楫莫將
嫁妹擬終葵髻鬢髻鬢風婢裙帶分明拜月姬深院自憐
幽草色箇人都動晚晴思

小名喚汝作朝雲暮雨瀟瀟擬不偷隱與畢箕爲敵國莫從
尋字證三身美如飛燕能輕舉瘦似梅花見喜神不是絳桃

朝北斗開雲衡嶽恐無人

風吹雨打意難回。可是西樓穆素暉。燕曠紅襟剛似妾。稀呈
白躡。敢呼妃溼衣。愁並黃鶯坐見月。欣同烏鵲飛。怪得衫痕
如杏子。拜恩新自日邊歸。

掃空煙霧夕陽斜。始信秋娘晚景佳。此意示人如皦日。成功
酌汝以流霞。當風吳帶長條柳。出水曹衣五色花。簫鼓年年
賽秋社。報恩分付老農家。

衛生

舉世何緣得壽康。頑靈垢淨每相妨。貫輸宇內清空氣。打掃
城中穢濁場。果木且嫌癩痔累。禽魚猶忌羽鱗傷。物華人傑
同珍衛。須信身強國始強。

衛退卽事

積陰十日盼秋暎，衙退焚香掩戟門。
倉吏竿糧常論斗，花翁賣菊必兼盆。
高原木落山容瘦，小圃蔬香井脈溫。
獨上高臺覽雲物，西來清氣滿乾坤。

題照象寄所親

皇天將壽補蹉跎，六十華年小劫過。
楚國男兒好身手，畫中詩裏忍消磨。

題照寄彥清

春明贈別幾年華，嶽真形付雁箋。
除卻參軍鬚似漆，一如二十七年前。

余與君別於庚辰

寄懷彥清君選右玉令不赴改澹安校官今歸里逾年矣

手擲雷封意不凡，湖州教授又桐嚴。
英才並著門生籍，鄉飲

仍披博士衫，謬以南金方尺素。來訊謂得余書足抵萬金。虛將右玉入官街，文章理學宜兄事。何日重懸訪戴帆。

中秋喜晴入夜月色如洗長歌賞之

西京彌月無乾土，三農仰屋憂禾黍。偶逢一日半日晴，不敵一旬兩旬雨。今朝令節強登臺，南山白雲如覆釜。扶桑出日初淡薄，漸見金光發亭午。積潦都歸鄭白渠，漏天真賴媧皇補。自緣造物近人情，不遺嘉辰廢歌鼓。黃昏五城催上燈，芝火煌煌照尊俎。玉盤飛出東海頭，碧雲西流一蟾吐。嫦娥小別何生疏，見人掩抑如好女。去年今夜期不來，今年今夜快先覩。掃除陰翳復光明，正似病夫得輕舉。狂來爭欲據胡牀，興發猶能誅牛渚。高齋說餅謝袍靴，深院焚香薦瓜果。桂華早開已蘼落，收拾殘英伴茶乳。未須荒幻說銀橋，恰爲高寒

吟玉宇我有關河百二重鏡中小影圍棋譜守衛無如虎豹
巖飛揚莫放魚龍舞何聞鄴城習野戰南北兩軍競材武秋
風揚塵夜拔營地白如霜愁沮洳老去佳興與人同河朔健
兒獨辛苦

八月二十二日夜起月明如晝是日中丞考職五鼓赴

貢院點名疊中秋韻

夢游未到華胥土欹枕纔能一炊黍歐陽夜起方讀書四壁
蛩聲亂如雨東廊風鏹火未熄時有茶聲出瓦甍開門仰視
星斗稀碧天四垂月當午滿庭空明瑤水積荇藻紋將竹柏
補蒼龍絡角已平西秋點統如過四鼓清池倒映雙玉珎流
雲結成五雜組鮫人宮中雪練飛鬣龍領下明珠吐全開廣
殿坐常儀慢轉斜河見織女水鏡圓靈如我心一出人間萬

目覩蝦蟆食汝一何愚君子平生無過舉珠璧交映國之

禎光若流虹貫華渚桂子金黃大於橘霜露豈能凋碩果屑

輿早出不畏寒未用養生食人乳中丞試士啟文場三百襪

衫立庭宇老夫見獵心尙喜霓裳記得開元譜貌寢休爭銀

面光中丞名才多須獻長袖舞若論治安誰賈誼倘問

韜鈴孰孫武試題分歸來杲杲初出日街卒掃塵清沮御鑄

京日月所照隨雨師釀泥爾何苦釀泥見范石湖詩

賦得滿城風雨近重陽

滿城風雨近重陽宴坐東臺一舉觴葵藿有心惟嚮日菊花

滿鬢不知霜人情自願沈陰舒天意深憐晚節香來日快晴

登柴閣秦川煙樹自輝光

有感

帥符如火逼臺門不信戈矛出弟昆有禮猶能三百反辨誣
豈得一無言怨深何計全朋友事急將身託
紫金關下死當年枉爲乞
天恩
至尊抹汝

九日招省三觀察戟傳敬之兩太守裕堂刺史子搢吟
海少蘭三大令北臺登高夜集晚晴軒卽席有作

今年又似前年雨九日纔能半日晴白菊晚香霜後發萬松
雲氣雨前生鳳膠直可酣千日津蟬公然歷兩京蟬由洛合入關

與龍山共豪快雁來休帶別離聲

省三將行

題小照

我年三十時人謂始弱冠迄今逾耳順猶作不惑看鬢鬚尙
髣漆眉宇見精悍懷抱春天雲目光巖下電當秋試藥鏡的
是廬山面儼以畫中人宛然玉臺伴照象時併吳淡仙小像攝入人言下

蔡迷自作東方讚寄語好事家勿矜放翁扇

初寒

驚寒鸚鵡報人知昨夜微霜上柳眉繡線密添衣裏絮金箱
難忘扇頭詩林間落葉皆生意袖底寒爐有暖時簷玉琤琤
無別調等閒莫便逐風移

十月初三日雨雪交下抵暮而止

消息飛瓊昨夜通瑤臺清曉得相逢春催梅訊來秋後淚濕
梨花在雨中三閨難招秦弄玉一塵不染李騰空晚晴試看
初三月依舊蛾眉在漢宮

十月十日

慈聖萬壽喜雪

千官行殿肅纓衣喜見飛霏滿赤墀桑麥合成長命藥瓊

瑤裁作萬年枝天教玉蕊呈嘉瑞臣爲梨花進賀詩朝罷含
章簷下立宮梅添粉映翠暉

雪後快晴

清朝積雪晃平林日出扶桑萬瓦金鳩鵲麗天雙闕迴蝗螭
入地十尋深隴鋪絲網平如掌戶挾黃棉暖到心我爲豐年
添喜色緩行飽食畫廊陰

宋詩飽食緩
行新睡覺

題竹筵夫婦照象

玉樹花開得並頭吾門桃李不知秋豈期河上飛鳧令
亦時爲榮陽有秦中引鳳樓桂葉眉痕親手畫梅花福命幾生脩鷗
波亭上鴛鴦夢總傍扶風絳帳游

次竹筵自題照象韻

百里栽花暖綠陰小君堂上助鳴琴丹青合寫夫妻像蒼赤

全知父母心香茗一杯姑姊妹

謂儲漪姊妹

文鴛三世去來今有

情眷屬都如此蜜使花奴莫見侵

十月二十一日解任示客

三年案牘苦勞形解印東臺百慮清胸次雲夢千頃在

一作諸澤

匪擔頭崧嶽一時輕

擔頭兩崧嶽見南雷詩

梅花天燭參差發竹杖芒

鞋取次行不盡寶僚攀戀意紅罽暖酒話生平